



सानसेयारि **“बड’सा”** खरीर्लाइयाव
स्माज्यादि जिज्जो लोब्बा थानाय रायथाय, खन्थाय,
खल, खल’बाथा आरौ दावबायादि थावनि, पार्क
बाइदिनि सायाव लिन्नाय लिन्बिदाँ दैथाय डर/
सानसेयारि **“बड’सा”** खरीर्लाइया सेबखानावै
फोखावगेन।
बड’सायाव लिन्डरनायनि हुडा खलाम,
“बड’सा” खरी नोथां, जौ बयबौ आंगो खलाम।
सानसेयारि बड’सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 4 July, 2025 Kokrajhar, BTC, Assam ★ Vol.-35, Issue No.100 ★ R.N.I.Regd.No. 40994/91, Assam Govt.Regd.No.IPRD. 40/2006/3, Rs.8/-

कंग्रेसनि अनगायै जौहा रावजौबो सुथुर गैया : ड० शर्मा

उदालगुरियाव गिबि मन्थिनि बिसायख 'थियारि मेल

उदालगुरि, 3 जुलाइ: बिटिआरआव बिजेपिआ बिसायख 'थि गेलेगोन, बेवहाय रावहाबो सन्देह' गैया। गोजोन-खौसे थि-जौगाखां नायनि थाखाय बिजेपिआ बिसायख 'थियाव लागोन। कंग्रेसनि अनगायै रावनिबो राजखान्थि दोलोजौनो जौहा सुथुर गैया। बे बिबुंथिखौ लाखिदों राइज्योनि गिबि मन्थि



ड० हिमन्त बिश्व शर्माआ। दिने उदालगुरि गोजौसिन गेजेरआरि फरायसालिनि गेवलां गेलेग्रा फोथाराव खुंफुंजानाय गेदेरथार मावसुमा सम्मिलनआव बिबुंथि लाखिनानै गिबि मन्थि ड० शर्माआ फोरमायदोंदि, उदालगुरि जिल्लायाव मोन 10 मण्डलनि बेखनआव मोन 842 बुथफोर दड आरौ 212 गोहो मिरु दड। बे सम्मिलनआव मोनफ्रोमबो

बुथनिफ्राय सा 6 यै मावसुमाफोर फे दें। बिसोरनि गोसो थुलुंगाखानायखौ नुनानै आं गोजोन्नाय मोन्दों। बेबायदि थासारि सोरजिनानयनि थाखाय बिजेपिआ बिटिआर बिसायख 'थियाव गेदेर जाफुंसारनायखौ मोननो हागोन बेखौ लानानै जेबो सन्देह' जानांगौ गैया होन्ना गिबि (□ 6 बिलाइआव)

सोलोंथाइ मन्थि डा: रनज पेगुआ राइज्यो बेंगिरिजों लोगो हमदों



गुवाहाटी, 3 जुलाइ: आसामनि सोलोंथाइ मन्थि डा: रनज पेगुआ दिने राज भवनआव आसामनि

राइज्यो बेंगिरि लक्ष्मन प्रसाग आसार्यखौ लोगो हमनानै गोजौ सोलोंथाइ बिफाननि आथिखालआव लानाय बिथांखिफोर आरो आसामनि थाखाय गनार्यथि जानाय गाहाइ

थांखिफोरनि सोमोन्दै गुवारै सावरायलायो। सोलोंथाइ मन्थिआ गासै मुलुग सोलोंसालिमाफोरखौ हादरआरि फोरोंनाय खान्थि (एनइपि 2020) नि नेमखान्थिनि सिडव लाबोनानयनि थाखाय गोनांथि जानाय हाबाफारिफोरनि सायाव गुवारै सावरायलायो। बे सावरायमेलआव राइज्यो बेंगिरिया राइज्योनि सोलोंथाइ फसंथानफोरनि फोरोंथाइ बिहोमा, गुन, सरजाबथाइ आरो मुलुगनां बादायलायनायजौ खाब जानायनि सोमोन्दै गुवारै फोरमायथियो। राइज्यो बेंगिरिआ (□ 6 बिलाइआव)

कामरुप जिल्ला एबसुनि बान्जायनायाव थाखो गु आरो थाखो जिनि फरायसाफोरनि थाखाय बेसेननाडै फोरोंथाइ मावबादाखौ बेखेवबाय



उदालगुरि, 3 जुलाइ: कामरुप जिल्लानि सिडव थानाय काशारि महल दख'रा एबसुआ गोलीम बोथोरनि समाव ओन्सोलनि फरायसाफोरखौ लानानै गुन गोनां सोलोंथाइ जांखिखानाय मावथांखिखौ बोसोरफ्रोमबो खुंफुंनाय बायदिनो देगलाय बोसोरावबो कामरुप जिल्ला एबसु आरो काशारि महल दख'रा एबसुनि बान्जायनायाव बेसेननाडै थाखो फरा फोरोंनाय मावबादाखौ बिरिदट गोजौ फरायसालियाव दिनेनफ्राय (□ 6 बिलाइआव)

थिनानै होखानाय समनि गेजेरावनो बिथांखिफोरखौ आबुडै मावफुं नांगौ: गिबि मन्थि

उदालगुरि जिल्लायाव मावफुं जाबाय थानाय बिथांखिफोरखौ गिबि मन्थिआ खौरां लादों

दिसपुर, 3 जुलाइ: उदालगुरि जिल्लायाव मावफुं जाबाय थानाय गुबुन गुबुन बिथांखिफोरनि हाबा हुखानि दावगानायनि खौरां लानायनि थांखिजौ गिबि मन्थि ड० हिमन्त बिश्व शर्माआ दिने जिल्लानि आलासि न'ब्लाडव मोनसे सावरायमेलआव बाहागो लायो। बे सावरायमेलआव अरुनदय 3.0, गिबि मन्थि आइजो जौगाखां मिसन, गिबि मन्थिनि आत्म निर्भर आसाम अभियान, एति कलि दुति पात आरो रेसन कार्ड होनायनि आयदाखौ



लानानै गुवारै सावरायलायो। उदालगुरि जिल्ला बेंगिरिनि सावराय न'ब्लाडव जथुमनाय

बे हाबाफारियाव बिटिआर खुंथाइ, गुबुन गुबुन बिफाननि गाहाइ सामलायगिरिफोर,

बिबानगिरिफोर आरो गोजौ थाखोनि बिबानगिरिफोरनि (□ 6 बिलाइआव)

सुबुं खान्थियारि हादराव मोजां गोसो लानानै राजखान्थि खालामनांगौ: प्रमद बर'

सालाकातिनि मुलाम्फागिरि सम्मिलन हाबाफारियाव गाहाइ मावफुं सोद्रोमा



भारतीय रैनिया बिफाननिफ्राय आजिरा लाबोनाय दानसोरां गयारिखौ गाजा-गोमजायै बरायदों गामिनि राइजो-राजाफोरा



तामलपुर, 3 जुलाइ: भारतीय रैनिया बिफानआव 28 बोसोर खामानि मावनानै आजिरा लाबाय दानसोरां गयारिआ। आजिरा लानानै न'आव फैनाय समाव गामिनि राइजो-राजाफोरा दोलै-नोगोरै बरायदों दानसोरां गयारिखौ। भारतीय रैनिया हान्जा एबा इन्डियन आर्मि आव 28 बोसोर खामानि मावनानै आजिरा लाबाय तामलपुर जिल्ला पुब-झारगाव केकेरकुसि गामिनि दानसोरां गयारिआ। दानसोरां गयारिआ थांनाय 1997 माइथायनि 25 जुन खालारआव इन्डियन आर्मिआव हाबहैनानै बिमा हादत रैखाथिनि थाखाय गोबां अपरिसनफोराव (□ 4 बिलाइआव)

सनितपुर हुग्राजुलि दख'रा एबसुनि बान्जायनायाव 13 बोसोर बैसो सिनि हौवासा आरो हिन्जावसाफोरनि जोलुर बादायलायनाया जागायबाय

सनितपुर, 3 जुलाइ: सनितपुर हुग्राजुलि दख'रा एबसुनि बान्जायनायाव सालखर' गुदि फरायसालिनि गेलेग्रा फोथाराव 13 बोसोर बैसो सिनि हौवासा आरो हिन्जावसाफोरनि जोलुर बादायलायनाय हाबाफारिखौ दिने बेखेवनाय जायो। बे बेखेवनाय हाबाफारियाव बेखेवगिरि महरै बाहागो लायो सनितपुर जिल्ला



दुलाराय बर' फरायसा आफादनि आफादगिरि एन 'स मोसाहारिआ। लोगोसे जिल्ला आफादनिनो गुबुन गुबुन बिबानगिरिफोर आरो सनितपुर जिल्ला इडपिपिएलनि लाइमोन गांखनि नेहाथारि अर्जुन बमुमतारी, लोगोसे दख'रानि आरो ओन्सोलनि मेलेमजिबि बिथांमोना बाहागो लायो।

सनिया कछारि फरायसा आफादआ ट्राइबेल संघनि मावख'खौ बन्द' खालामनांगौ होननायनि सायाव ट्राइबेल संघनि फिनजाथाय



तामलपुर, 3 जुलाइ: तामलपुर, भेरगाव आरो बाक्सा जिल्ला दुलाराय आसाम ट्राइबेल संघआ आसामनि थागिबि सरनिया कशारिफोरनि थाखाय ट्राइबेलनि फोरमान लाइखौ होनायाव हेंथा खालामदों। बेनिखायनो दुलाराय ट्राइबेल फरायसा आफादआ ट्राइबेल संघनि मावख'खौ थि नडैसमसिम बन्द' खालामनांगौ होन्ना खौरां बिजोनि गेजेरजों हुमकि होनायखौ लाना तामलपुर जिल्ला ट्राइबेल संघआ खौरां बिजोनि गेजेरजों खेंफोरथि होदों। तामलपुर, भेरगाव आरो बाक्सा जिल्ला ट्राइबेल (□ 6 बिलाइआव)

कक्राझारआव आचार्य पंकज पाठकनि बाद पुलिसआ गनायथि गैथैनि अजद होनानै बादारखौ बन्द' खालामदों

कक्राझार, 3 जुलाइ : गवालपाराआव मैया बुधबारखालि जाथावनाडै मोनसे थासारि सोमजिनयाव खोमा हमनानै निमाहा बिनांनो गोनां जानाय आचार्य पंकज पाठकनि जेंनाय गुबैयै जेबनो लायाखै। दिने खानाय गुनाय (लान्था) खर'आव खानाय रज'होफिन्नो थाखाय बिटिसिनि सदर कक्राझारआव आचार्य पंकज पाठकआ खर'आव खानाय गुनाय खर'आव खानाय रज'होफिन्नानि बाद खुंदोंमोन। मख'नो गोनांदि, कक्राझार सोहोरआव थानाय जिल्ला गेलेमु आफादनि इन्डर स्टेडियमनि लांगोनायाव फुंनिफ्रायनो



खानाय गुनाय खर'आव खानाय रज'होफिन्नानि मुलि लानो, मुलि फुनजानो रोजा-रोजा सुबुंफोरा लारि फाथिनानै थाफेदोंमोन। मिबथिनो मोन्नाय बायदिथै आसामनि कक्राझार जिल्ला, धुबुरी जिल्लाजों लोगोसे नसुंसेनि राइज्यो सोनाब बंगनिफ्राय खर'आव खानाय (□ 6 बिलाइआव)

मन्थि कौशिक रायनि नुजाथिनायाव बिजेपि दैदेनगिरिफोरनि मावफुं मेल

फैगौ 9 जुलाइआव गिबि मन्थि ड० शर्माआ काजलगावआव नुजाथिफैगोन

चिरां, 3 जुलाइ: बिटिसि बिसायख 'थिनि समआ खाथिनिफ्राय खाथिसिन सफैनाय लोगो लोगोनो इडपिपिएल, बिपिएफ दोलोजों लोगोसेनो बिजेपिनि गेजेरावबो राजखान्थियारि मुखुबआ बांनारखौ नुनो मोन्दों। दिने चिरां जिल्लानि सदर काजलगावआव मन्थि कौशिक रायनि नुजाथिनायाव चिरां जिल्ला बिजेपिनि मोनसे दैदेनगिरिफोरनि सावरायमेल खुंफुंनाय जायो। बे मेलआव मन्थिआ गिबि मन्थिनि



दावबायफैगोननि सोमोन्दै गुवारै फोरमायथियो। 9 जुलाइआव काजलगाव नोगोर आफादनि सावराय नल्लाडव खुंफुंजानो गोनां मोनसे हाबाफारियाव गिबि

मन्थि ड० हिमन्त बिश्व शर्माआ बाहागो लाफै गोन। बे दावबायनाय समाव गिबि मन्थिआ चिरां जिल्लानि (□ 6 बिलाइआव)

सुजुगिरिनि खोलोम

बिफां लाइफांफोरखौ फोजोबस्रानाया सुबुं समाजनि मोनसे गिदित जेंना

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय । गामिनि सुबुंफोरनि बाथ्राल' नडा टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दङ। दिनैसिमबो सुबुं समाजआव बेनि गोथौयै रोदा सुनाय हुदाखौ नागारनो हायाखै ।

मानासनि सुबुंफोरनि बाथ्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार । जिउ जुनाराबो हाग्रा बंग्रा, दंफां लाइफां नडाबा जेरै थाउरिनो हाया, मानसि माहारियाबो जिउ खांनो हाया । मिथिंगानि सोर्जिनायनि मादाव दंफां लाइफां, हाजो-हाला, दैसा दैसा, दैमु बाइदिसिना नडाबा जिउ जुनातफ्रा दसेनि थाखायब्लाबो थाना थानो हाया । हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन ।

सुबुं समाजा दंफां लाइफांनि सायाव जेरै बाइदि सोनारो बेखौ साननो रोंब्ला हाग्रा बंग्रानि सायाव बे रोखोमनि अनागार अत्यासारा जानाय नडामोन । हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैंग मैला, थायो । गासिबखौबो मानसि माहारिनि गोनां जिउ खांनायाव नांगौ । सुबुं समाजा नांगौखौल' मिन्थिनो रोंबाय नाथाय, बेफोर गोनां मुवाफोरखौ रैखा खालामनो दासिमहालागै सोलोडाखिसै मानो ? मोनसे सोंनाय फैयो, दंफां लाइफांखौ दानस्रानो सोलोंने हागौबा, बेफोरखौ गायनो सोलोंने मानो रोंदिया ? गोदो गोदाय आबै आबौमोननि बिबै बिबौफ्रा गायना गालांनाय दंफां लाइफांफोरखौ हागौमानि जों दानस्रां जोबबाय जाय जेरै हागौ एरै । हाग्रामा गैयाैलाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय । कम्पिउटार, इन्टरनेट मुगानि सुबुंफ्रा सानखांनो रोडाखिसै जों थानो जेरै न'बां नांगै, जुनारफोर थानोबो हाग्रामा नांगौ । बिफां लाइफांफोरखौ फोजोबस्रानाया सुबुं समाजनि मोनसे गिदित जेंना । जोंनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ माब्रै गायनांगौ, फोथांनांगौ, फेदेरनांगौ, राहोनांगौ, आरो माब्रै रैखाथि होनांगौ, गोथौयै फोरोंनांगोन, मिन्थिहोनांगोन, दंफां लाइफां, हाग्रामा थायाब्ला जोंबो थाना थानो हानाय नडा बे बुहुमाव ।

दिनैनि फान्जामुधि

राशि बाइदियै मुंनि गिबि हांखो

मेघ : अ ल
कर्कट : ड ह
तुला : त र
मकर : ख ज

बुष : ऊ ब (उ ए इ)
सिंह : म ट
वृश्चिक : ब न
कुम्भ : ग श (स)

मिथुन : क छ (ड घ)
कन्या : प ट (ण ष)
धनु : ध भ (ढ़ फ)
मीन : द च (ख ज झ)

मेघ: जेखि मावा फालांगियाव मुलाम्फा मोन्नो हागोन । गोजोन मोन्नो हागोन । मोजां सान ।

बृष: जायखि जाया माबा मोनसे मुवा-बेसाद मोन्नो हागोन । गोसोखौ गोजोन मोनगोन ।

मिथुन: मावबाय थानाय खामानियाव मुलाम्फा खालामनो हागोन । बे राशिनि थाखाय मोजां सम ।

कर्कट: रोंग'थिनि सन्मान मोन्नाया बांगोन । फारफ्रोमथिबो मोजां । गोजोन मोनगोन ।

सिंह: बे राशिनि थाखाय शुभ सान । नख'रनि मोजां हाबा मावनानै लानो हागोन ।

कन्या: माखौबा लानानै गोसोखौ बिग्रायखांनाय जानो हागौ । जेथियानो जाया गोखौ हमथा ।

तुला: जेरावबो गोजोन्नाय गैया अशान्ति मोनखांनो हागौ । गोसो हमथानानै सोलिंनांगोन ।

वृश्चिक: सोरजोंबाफोर खोथा-बाथ्रायाव गोरोन्थि बुजिलायनाया जानो हागौ । सांग्राडै थानांगोन ।

धनु: जेखि जाया बेरमआव गोलेँबायनो हागौ । देहाखौ सांग्रां लाखिनांगोन ।

मकर: जैरेबो रंजा-बाजा खालामनानै सम हगारहरनो हागोन । गोजोन मोनगोन । मोजां सान ।

कुम्भ: मोजां मोनलायनायनि दौलेंआ गोरज जागोन । अनलायनाया बांगोन । मोजां सान ।

मीन: बिसि-फिसाइनि गेजेराव दावराव-दावसि जानो हागौ । गोसो हमथानानै थानांगोन ।

आफ्रिकानि मालिआव अल कायदाआ

सा 3 भारतीयफोरखौ लांखारदों

गोदान दिल्ली, 3 जुलाई:

गोदान दिल्ली, 3 जुलाई: मालिआव साथाम भारतीय नोगोरारिफोरखौ लांखारनाय खौराड सोराडव फैदों । भारत सरकारआ बे जाथायनि सायाव गोथौ जिंगा सिनाय फोरमायदों आरो मालि सरकारनाव लांखारनाय भारतयारिफोरखौ रोखायै आरो थाबैनो रेहाय मोन्नायनि थाखाय जेसेबां हायो हेफाजाब होनो खावलायदों । बे जाथायाव अल कायदानि आखाइ थानो हागौ । मानोना रावबो आफादआ दासिमबो बेनि बिबानखौ लायाखै । बे जाथाया मालिनि कायस सहरनि सिडव थानाय डाइमन्ड सिमेन्ट फे क्टरिआव जादों । बे फे क्टरिआव सान्थि हान्जा गाग्लोबग्राफोरा साथाम भारतयारिफोरखौ हमनानै लाखिदों । गुबुन हादर मावख'आ बुंदोंदि, बे गाग्लोबनाया 1 जुलाईआव जादोंमोन, जेब्ला हाथियार लाग्रा उतखारिफोर फेक्ट्रिआव कारखानाखौ गाग्लोबदोंमोन । दासिमबो रावबो आफादआ लांखारनायनि दायखौ लायाखै । नाथाय मंगलबारखालि मालिआव जानाय गाग्लोबनायनि दायखौ अल कायदाजों लोब्बा थानाय आफाद जमात नुसरत अल-इस्लाम वाल-मुस्लिमिन (जेएनआइएम) आ लादों । बामाक'आव भारतीय राजथान्दै मालि सरकारनि सोमोन्दो गोनां बिबानगरिफोर, जायगायारि आइन बाहायग्रा एजेंन्सिफोर आरो डाइमन्ड सिमेन्ट फेक्ट्रिनि सामलायगिरिफोरजों अरायसम सोमोन्दोआव दङ । मिसन लांखारजानाय भारतीय नोगोरारिफोरनि नख'रनि सोद्रोमाफोरजों लोगोसेबो सोमोन्दोआव दङ । भारत सरकारआ बे जाथायखौ गोखोडै सोंखारिदों ।

जादोंमोन, जेब्ला हाथियार लाग्रा उतखारिफोर फेक्ट्रिआव कारखानाखौ गाग्लोबदोंमोन । दासिमबो रावबो आफादआ लांखारनायनि दायखौ लायाखै । नाथाय मंगलबारखालि मालिआव जानाय गाग्लोबनायनि दायखौ अल कायदाजों लोब्बा थानाय आफाद जमात नुसरत अल-इस्लाम वाल-मुस्लिमिन (जेएनआइएम) आ लादों । बामाक'आव भारतीय राजथान्दै मालि सरकारनि सोमोन्दो गोनां बिबानगरिफोर, जायगायारि आइन बाहायग्रा एजेंन्सिफोर आरो डाइमन्ड सिमेन्ट फेक्ट्रिनि सामलायगिरिफोरजों अरायसम सोमोन्दोआव दङ । मिसन लांखारजानाय भारतीय नोगोरारिफोरनि नख'रनि सोद्रोमाफोरजों लोगोसेबो सोमोन्दोआव दङ । भारत सरकारआ बे जाथायखौ गोखोडै सोंखारिदों ।

जाबाय । मन्दिरनायनो फैनाय सुबुंफोरा मन्दिरनिफ्राय गिदिंफिननो लाबाय । लांगोनानि आखि बिथिं थानाय दंफांनि मन्डपखौ नुहां नुआहां जाबाय । नेपालआव मोब्लिबनि आंखाल । ऐदिन खालिबो मोब्लिब गैया । मन्दिर आरो मन्दिरनि लांगोनायाव खोमसिआ साग्लोबनो लादों । खोमसिआव दावगालांनाया गाहाम जागोन ना जाया सानफुबाय थानाय समआव आं सोरनिबा खोनाखानाय रावजों आंखौ गाबन्निनाय बादि खोनादों । बे रावखौ गिबिआ आं खोनाखांबाय । नाथाय बे रावआ सोरनि राव बेखौ गोसोखांनो हायैआव आं आंनि गोसो सिंआव दावराव दावसि जानाय मोन्दों । बे रावखौनो खोनासंनो आं जुगनि उनाव जुग नेनानै थानाय बादि मोन्दों । आ इसि गोदै आरो आंगो राव बिलाय । आं सान्दों ।

सोर गाबज्रिदों, आं नागिरबायोब्ला बियो आखि बिथांनि दंफां मन्डपनिफ्राय ओंखारबोनानै गाबनो ओंखारनाय सिदोब रावजों आंखौ बुंफैदों ; फैदो आदा सोमखोर, जोंनि दंफांनि मन्डपआव हाबफैदों । फैनायाव मानोथो इसि गोबाव सम लाखो आदा ? नोंखौ नेनानै, नोंनि लामा नायबाय बायनायाव रोजासे खावसे बोसोर बारग'लांबाय । पशुपति मन्दिरआ गोजाम जामलांबाय । पशुपति मन्दिर साखाथिनि बागमुती दैमायाबो मेंनानै थाथ' थाथ'सो बोहैलांनो लाबाय । बागमुती दैमाया बुरैनि बैसोआ आगान सुरबाय । नेपालआव सान्थ'हायै राजाफोरा राइजो खुंनानै बिसोरबो थांफिन जोब्बाय । नाथाय नोंखौ नेनानै आं दिनैसिम बेवनो दंगासिनो दं । दिनै नों सौफैआमोनब्लाबो आं नोंखौनो नेबाय थागौमोन । बोसोरनि उनाव बोसोर नोंनि लामा नायबाय थागौमोन आं आदा सोमखोर ।

बुंखांनानै बियो दान्दिसे श्री थानानै हां लादों । बेनिफ्राय बियो आंनि आखायाव हमनानै आंखौ दंफांनि मन्डप सिंआव बोनानै लादों । सिडव

राजथावनि दिल्लीनि लाजपत नोगोराव

दुखुनांथाव जाथायआ सोराडव फैदों

गोदान दिल्ली, 3 जुलाई:

राजथावनि दिल्लीनि लाजपत नोगोराव दुखुनांथाव जाथाया सोराडव फैदों । न'नि आइजो बिगोमा आरो बिनि 14 बोसोरनि फिसाज्लाखौ गावसिनि खामानि मावग्रा सुबुडानो बुथारदों । पुलिसआ दायनिगिरि मावग्राखौ हमबाय । मावग्राआ पुलिसनि सोंथि खालामनायाव गावनि दायखौ गनायबाय । लोगोसेनो डबल माडार खालामनायनि जाहोनखौबो मिथिनो हादों । खोला सान्जा दिल्लीनि लाजपत नोगोर ओन्सोलाव हर गेजेर समाव बिमा आरो बिनि फिसाज्लाखौ बुथारनायखौ मोगथां महर होनाय जादों । न' रुमनि दरजाया सिंजों मारिनायमोन । फिसाइ कुल्दिपनि खौरं हरनायाव सौफैनाय पुलिसआ दरजाखौ सिफायनानै सिडव हाबो, जेराव 42 बोसोर बैसोनि आइजो रुचिकानि गोथै सहखौ बेडरुमआव मोनो । अदेबानि बिनि 14 बोसोर बैसोनि फिसाज्लानि गोथै सहखौ बाथरुमआव मोन्दों । पुलिसआ जाथायनि उनाव खारखोमानाय दायनिगिरि मावग्राखौ हमो । बिखौ हाजिपुर, बिहारनि नोगोरारि मुकेश मुडै सिनायथिनाय जादों । आथिखालाव बियो अमर कल'नीआव थायो । आइजो एबा बिनि फिसाइहा लाजपत नोगोरआव गारमेन्टि गला दङ ।

दायनिगिरिआ बे गलायावनो हेल्थारनि खामानि माबोमोन । दायनिगिरि मावग्राआ पुलिसनि सोंथि खालामनायाव मिथिहोदोंदि, न'नि आइजो बिगोमाआ गावखौ रायदोंमोन । सोंथि खालामनायाव बियो बुधवार 2 जुलाईखालि हरआव आइजो बिगोमा आरो बिनि फिसाज्लाखौ बुथारनायखौ गनायनानै लादों । जाथायखौ मोखथां महर होनायनि उनाव बियो खारखोमादों । पुलिसआ दिनै फुडाव बिखौ हमनो हायो ।

जम्मू-काश्मीरनि किश्तवाड़आव गावलायदों

जम्मू, 3 जुलाई: जम्मू-काश्मीरनि किश्तवाड़ जिल्लानि हाग्रा ओन्सोलआव बुधबारखालि उतखारिफोर आरो रैखाथि हान्जाफोरनि गेजेराव गुलि गावलायनो जागायदों । पुलिस, सान्थि आरो सिआरपिएफआ लोगो नांनानै सुथरफोर थाग्रा ओन्सोलाव उतखारिफोर थानायखौ मिथिनो मोन्नानै सिग्रोमनाय अपारेसनखौ जागायो । सुलुंनि बादिब्ला, सानै-साथामसो उतखारिफोरखौ सान्थि जवानफोरा बेंखन्दों । बिबानगरिफोरनि बादिब्ला, रैखाथि हान्जाआ जेब्ला उतखारिफोरनि खाथियाव सौहैयो अब्ला उतखारिफोरा गुलि गावग्लुंनो जागायो, जायनि उनाव फारनैथिंजायनिफ्रायबो गुलि गावलायनाया जागायो । गुलि गावलायनाया मोनाबिल समसिम सोलिबाय थादों । बिबानगरिफोरा मिथिहोदोंदि, ओन्सोलआव आरोबाव रैखाथि हान्जाफोरखौ थिनहरनाय जादों, जाहाथे उतखारिफोरखौ बेंखन्नो हायो आरो बिसोरखौ हमनो एबा फोजोबस्रानो हायो ।

नोंखौ खेबसे नायस्रानो थाखाय आंनि गोसोआ खुथार खुथार गाबदोंमोन । नाथाय नोंखौ नुनो मोननाय जायखिसै थेवब्लाबो नोंनि हांमा हांसाखौ लानानै दिनैसिम आं नोंखौनो नागिरबायनानै फैदों । नोंनि हांमायाव आं उसाव बादाव जानानै फैदों ।

गोदीनि बाथ्राखौ नागारदो आदा । दिनैनि आगोमा समखौ खुसि खुसि नाजावदिनि फैदो ।

राइजोमुतीआ गोदीनि दुखु गोनां जाथायनिफ्राय आंखौ बोबोनानै आथिखालआव लाबोफिन्दों । बेनि उनआव राइजोमुतीआ पशुपति मन्दिर नायनो होननानै आंखौ बोनानै लादों ।

मन्दिर खाथिजों बागमुती दैमा बोहैलांदों । राइजोमुतीआ दैमाखौ आंनो दिन्थिनानै बुंदों;

गोदो बे दैमाया गेदेर आरो गोगोमोन । मन्दिरआव हाबनायनि गिबि बे दैमानि गाथोनआव दुगैनाय जायोमोन, दिनै बागमुती दैमाया दैमानि महरआव गैलिया रानलांनानै मोनसे निजरा बादिल' बोहैनानै दंसै । दैआबो गुबुंले जाबाय ।

दान्दिसे श्री थानानै राइजोमुतीआ बुंलांदों;

पशुपति मन्दिर आरो बागमुती दैमाजों गोदो गोदायनि सोमोन्दो दंलायो । जानो हागौ

(5 बिलाइआव)

नोंनि सावगारि

नोंनि गोदै मिनिखैरोये
मिनिनाय
मिलौहाब रैसुमै
देँखोनि रायज्लायनाय
आंनि गोसो फैसालियाव
सिमां-मोगथां गोसो अरनाव
नुजाफैयो सना ददेरे
गले गले नोंनि सावगारि।
नोंनो आंनि गोदै सिमां
थिनाय मिर्जंनि बेसे आंगो
जिउ फैसालिनि सायखं
गोसो अन्दरनि दरखं
जेराव नोंनि अनसुलि महरा
नुजाफैयो आंजों
गासै हराव
लुनानै दोन्नाय सनानि देरायाव।
नोंनि सावगारि बेसे
समायना
आंनि मेगननि नोजेराव
बेसे हायना
नोंनि अनसुलि आखुआनो
बरायबाय
नोंनो आंखौ बावनो
हायि खालामबाय
सानखि हर गोसो फैसालियाव
नुहां-नुवाहां गोसो अन्दराव
जाखारफैयो खालि नोंनि अनसुलि महर
नुजाफैयो जेरावबो
नोंनि रोखा सावगारि।

मुप्त्रि जोंसार रामसियारि
जिला-बागसा बि.टि.सि.

जाबाय आं दुथामि

आंनि जिउनि हाहाहोगिरि
अनजालु आन्जालि,
बिफा बिमाफोर
गावसोरनि गोसो गोबोंआव
हाजासे,
गोथार मिर्जि लानानै
दोनहरदोंमोन,
दिनै आंखौ टाउन-सह'राव ,
स्कुल, कलेज फरायनो।
बुरलु बुरला खालामनानै
गावसोरनि बिखानि थैखौ दै
खालामनानै,
हरदोंमोन रोजा रोजा रां
गावनि फिसानि नांगो बादियै।
नाथाय दिनै मोनथिया हासिया,
सह'रनि गुदुं बारजों
बारफानानै
गावनि सान्नाय हनायखौ
सोलायबाय,
बिफा-बिमानि सान-इजोदखौ
बावगारबाय।
लिरनाय-फरायनायआबो
जाबाय
लैथोनि दै दाहारआव
गोजावनाय
खोमस्लिफानफोरा
बायदि थांखि गैयै।
सानफ्रोमबो सह'रनि ग'लायावल',
जौ, सिगारेट आरो थांखु
सोबै -सोबै
समखौ आं बारहोदोंमोन।
गावनि जौमोनननि
हाबिलासखौ सानहरनो
सम आरो बोथोरआवो
गैला आंहा,
खालिबोल' नांगौ -नांगौ-नांगौ
जौ, जुवा आरो सिगारेट।
गिनाय, लाजिनायआबो
गोमा जोबबाय,
लामा सामा सिख्ला
सासेबो
बारग'लिया....
हाय! आं मादि
मावफोनांखो....
थारैनो जाबाय आंबो
सासे दुथामि।

मुप्त्रि प्रफुल्ल नार्जारी।

दुलाराय मुलुगानो मोनसे माया लैथो

दुलाराय मुलुगानो मोनसे माया लैथो।
गासैबो बेनि
बादायसुला-बादायसुलिबोल’।
बेनि उनाव जेन्नाय
देरहानायनि देँखो
बोयो,
गिबियाव देहा
सोलेरा जिउमानि
गंसे रौरोथोन बायदि,
बेनिफ्राय बेयो
मोब्लिव बादि
गासै अंगफोरखौ दैदेनो,
गाबनाय-मिनिनाय,
जाफुनाय जाफुङै;
दुखु-दाहा, हांमा-हांसा,
लुबैनाय हास्थायनाय,
मोन्नाय-गोमानाय
बेफोर गासै
बेनि मोनफा-मोनफा
लामाबोल’
सोलायनाया
बिनि मोनसे गोख्रैथि
आरो
गुस्लायनाया
बिनि मोनसे
महरबोल’
आरो समा जोंनि
डिजेल-पेट्रलफोर
बायदि।
थोबसे बेलुनखौ
गोजौनि
बाराव हगारसारना
होनाय बायदि,
आजिकालि
बुहुम बिखायाव
सुबुङ जोबथाय
गैयै
माबा मोनसे नागिरो
बिनि उनाव
अनजालिनि
फासँ गोसो मोनसेयै
थाडो,
गियान गोमाना
जायो,
सासे लाजि गैयै
संसारा
बिनि हाजोबादि
गोजौ जौबोयो
जेब्लाइबो
खोनायो
गोबों खंख्लानि
देँखो।
दा दावबायलाडो
मिजिङा
मोनहासयै
बेसेबा
गोजानाव।
बि थालाडो
हांमानि
देरायाव
बिनि मोनसे
समनि
गोख्रों गोख्रैथि,
रौरोथोना
दोनै जोबथि
फारियाव
मेंनायजों
सिमान
लाफैयो।
बिनि रौरोथोन
सालाइगिरिया
दा गोदान
रौरोथोन
नागिरनो
थांबाय
बै दिननिफ्रायनो
समाइना
बुहुम बिखानिफ्राय
बिनि सिनायथिया
जोबनानै
थाडो,
दा फैबावो
बिनि मोनसे
गोदान
सिनायथि।

मुश्री सोमदोम गयारी
गामि:बेथागामि
जिल्ला: कक्राझार

नोंनि थाखायनो

आसा नोंनि थाखायनो
गोजोन गैला आंहा।
नों मानो आंखौ मिथिया
नों मानो आंजों एरा-एरा।
नोंनि बेबायदि
आखलावनो
जाबाय
आं बोदोर
बावलि।
राइज्लायनो
सानो आं नोंजों
आंनि गोसोनि
बाश्नाखौ।
नाथाय नोंदि
आंनो
गुमुरखौनो
होआ।
आं सानो
आंनि
अन्नायखौ
नोंनो
होनो।
नाथाय
नोंदि
गुमुर
होआ।
नोंनि थाखायनो
जाबाय
आं उसु-खुथु
उसाव-बादाव
नाथाय
नों मानो
आंखौ मिथिया ?
नोंनि बेबायदि
आखलावनो
जाबाय
आं दिनै
फाग्ला
नों मानो
बुजिया
नों मानो
मिथिया ?
जाबाय
आं
नोंनि थाखायनो
खाराव-माराव।
जानो
लोंनो
खहाबला
नोंनि थाखायनो।
उन्दुनो
आंखारला
नोंखो
सानै-सानै
सान
हर।
आसाया
मानो
दुखु
नांथाव
आखल
दिन्थियो
आं
नोंनि
गोबोंनि
अन्नायखौ
अरायबो
मोन्नो
लुबैयो।
आंबो
आंनि
अन्नायखौ
सिरि
सिरि
बोनो
होदोंमोन
आसा
नाथाय
नों
आंनो
गुमुर
होआ।
गोसो
खांसै
अराय
नोंखौल’
हास्थायसै
अराय
नोंखौल’
नोंनि
थाखायनो
जासै
आं
एखनबा
गोसो
खांना
मोदैनि
बाना।

श्री दिदोम नार्जारी

गोजा गलाब बिबार

फालगुन दाननि
जावलिया
बाराव।
सानस’नो
हायै
लाइमोन
बैसोआव
गुवार
गोसोनि
अन्नाय
लानानै
मोजां
मोन्दोंमोन
रजे
आं नोंखो
जेब्ला।
अब्ला,
नों
आंनि
बायराब
देरानि
लांगोनायाव
बारदोंमोन
सानैसोनि
गोजा
गलाब
बिबार।
दिनै
बै
गोजा
गलाब
बिबारा
बहा ?... ?
नाथाय ,
नोंदि
बै
सिख्रिफोरनि
गेजेरावसो
बारहैनानै
दं।
आंनि
बेसेबा
गोजानावसो.।

नों,
मोदोम
जायाखैथ’,
सिख्रिफोरजों
बिदै
सोबजानो।
बिबिदिनो,
र’जे
नोंखौ
आ
हास्थायदोंमोन
मोकथांआव।
नाथाय
नोंदि
बावगारलांबाय
अब्लाबो
आं
नोंखौ
गोबोंजों
मोजां
मोन्दोंमोन...
जाफुं
होनो
थाखै.....
नाथाय
सानाखैमोन
नों
र’जे
आंनि
अन्नायकौ
सैथो
गोथार
होन्ना।
जाउनाव
जानांबाय
आं
दिनै
लोगो
गोमाजानाय
दाउसा
माउरिया
बिदिब्ला
र’जे
बुं
बै
समनि
अन्नाया
बेसेन
गैयामोन
नामा।
जानो
हागौ
आंदि
गोरोन्थि
खालामबाय
बिनि
थाखाय
नों
आंखौ
नेवसिगारनो
हागौ।
नाथायय,
नोंबो
इसेबां
गिदिर
समाय
लानायखौ
गियाखैसै।
ना
नों
समायखौ
फिसा
होन्नानै
सासनबाय
नामा।
ना
फालगुन
दाननि
थिं
थिं
सादुं
दुंनयाव
रानत्रिंलांनो
हमबाय
नामा
बै
गोजा
गुलाब
बिबारा।

बेनिजन बरग’यारी।
बडाइगाव कलेज
जिल्ला- बडाइगाव, बि.टि.सि., आसाम

रंजालि गथ’फोरनि सौरा

मिथिंगा

बेसेदि
समायना
बेसेदि
रमायना
जोंनि
बे
आसाम
हादरनि
मिथिंगा
बिखाया।
सारि
सारि
बिफां
लाइफां
लारि
लारि
हाजोनि
सारि
जोंनि
बे
आसाम
हादरआ।
जैरेबो
सोरगिदिं
समायना
रमायना
गय
खान्थाल
थाइजौनि
बारि
बर
फिसानि
गामि,
गोजौ
गाहाय
जैरैथिंबो
समान
जोंनि
बे
बर
हारिनि
गामिया,
समायना
रमायना
गाबजों
दाजानाय
गोमो
गोथां
रंनि
बर
हिनजावफोरनि
दखना
गान्नाय।
बेसेदि
समायहाब
होदों
जोंनि
हारिनि
सिनायथि
समायना
मिथिंगा
बिखायाव
मा
एसे
मोजां
समाय
नाइनि
गोमो
गोथां
गाबजों
मा
एसे
समाय
हाबदों
जोंनि
बे
मिथिंगानि
बिखायाव
आय
हाबाब।

श्री रन्जय कुमार बर
गामि:- लावख्रिगुरि

मोदैनि बाना

आंनि
मेगननि
मोदैखौ
सोर
हुगारनो,
गैयामोन
आंनि
थाखाय
गोसोआव
रावनिबो
अन्नाय
आरो
गोसो
गोरबोजों
मोजां
मोन्नाय
सान्दोंमोन
आंलाइ
बुहुमाव
उजिनानै
मानसिनि
अन्नायखौ
मानसियानो
मोनगोन
होन्नानै
नाथाय
माथो
मानसिनि
अन्नायखौ
मानसिया
मोनालासै
गुबुन
मासे
सैमा
बांग्रायासो
मोनबाय।
आं
जेब्ला
थाखो
डाइनआव
फरायदोंमोन
अब्ला
आं
सासे
समायना
महरगोसा
सिख्लाखौ
मोजां
मोन्दोंमोन।
अब्ला
आं
सिगां
खेब
अन्नायखौ
बिनाव
बिदोंमोन
नाथाय,
बियो
आंनो
अन्नायखौ
होदोंमोनबो,
आं
जेब्ला
गोरबो
बिखानिफ्राय
अन्नायखौ
गोगोमै
होदोंमोन
अब्ला
बियो
बुंदोंमोन
आंहा
गुबुन
सासे
दंखायो
होन्नानै
अब्ला
बियो
बुंनाय
लोगो
आंनि
अनगायै
गुबुन
सासे
सेंग्राजों
मोजां
मोनलाइदोंमोन।
नाथाय
बिनि
साननायाव
आंनि
गोरबोया
थेर
बेथेर
गावस्रा
लाडो
बारजों
उरां
फारां
सान्नायजों
बोदोर
बावलि
अब्लानिफ्राय
आंनि
सान्नाया
फामोला
जायो।

श्री राइदाव कुमार बर
गामि:- लावख्रिगुरि

आंगो बिमा

जोनोम
होबाय
नों
जॉंखौ
बे
भुमाव;
फैलाव
मिथिंगानि
गोजोन
बिखायाव;
फोरोंबाय
नों
गोदै
बिमा
राव
जोंनि
खुगायाव;
फेदेरबोबाय-फोलावबोबाय
गोबां
सान-हर
आखाइ
आरो
बिखुङाव
लानानै,
गोबां
सान
हाद्रिजों
गेलेनायनिफ्राय
गोजानाव
लाखिनानै,
गियान
बुङि
होबाय
मिथियैखौ
मिथिहोयो,
हारि-माहारि,
धोरोम
मुगैयाजासे
गावजोंगाव
अनज्लायनो,
बे
भुमाव
आलो
गोजोन
थांना
थानो-
बावनो
हाया
नोंनि
दुखु-खस्थ
सहायनाय,
फिसाफोरखौ
फोथांनायनि
थाखाय
गावखौनो
गाव
हाबा-
हुखायाव
बावसोमनाय,
नोंनि
अन्नाय
बिलिरनाय
गोदै
राव
बोसोनखौ,
नोंनि
अनसुली
थार
महर
मुश्रीखौ,
गोसोखाडो
सोलेरनि
गोर्बों
इसिङव
गासै
आखुयै।
नोंनि
गियान-बोसोनानो
जोंनि
गोहो
सोलेरनि
नङमोनब्ला
जागौमोन
जैरेबो
राहा
मोनै
खाना
नुयोब्लाबो
जोंनि
थाइनै
मेगना।
आइयै
बिमा।
नोंनि
बे
मा
एसेबां
गोमोथाव
बिहोमा!
होबाय
नों
जोंनो
गोजोन-सान्थियै
थांना
थानो
जैरेबो
सोरां
लामा।
दङ
दासिमबो
नोंनि
बे
अनसुली
थार
महर
मुश्रीया,
नोंनि
बे
गोदै
राव
गोहो
आरो
गियान
बोसोना,
सोलेरनि
गोर्बों
इसिङव
मेलेमजों
सिथाबनानै-
सोलेरनि
गोर्बों
इसिङव
मेलेमजों
नांथाबनानै।

मुश्री मृथुनजय दैमारी
गामि- सा दांगारखुटी, ला:सो:- द ’तमा
जिलाा- कक्राझार बि टि सि आसाम।

गाब गैयै सिमां

सिमाॉन
फैसालियाव
नोंखौनो
नुनाय
मोन
स'ना
मोकथांआव
जाफुंगोन
सानबाय,
अ'
मादि
महर
मादि
समायना
दा
जानांबाय
हालाय
हाफाय।
सेबखां
जानाय
मोन
नोंनिनो
आजोलि
महर
जागा
लाबाय
मोन,
आंनि
गोर्बों
देरायाव
गोसोनि
न'सां
लुखाबाय
मोन।
फुंबिलि
जोंबिलिरनाय
आलायारन
गाबनि
सरजों
नागिरो
थं
नोंनि
अनसुलि,
गोसो
सिन्न्रिनाय
हरनि
सिमां
जाबायो
मोन्नो
गुलि
गुलि।
नोंखौनो
बोजब
हायैयाव
ददेरे
स'ना
माइनाव
आंहा
गावजोंनो
सुथुर
जाबाय,
मेगननि
थिर
लाना
नेदोंमोन
माथो
आंनावसो
नांफिनबाय।
गोसो
दरखंआव
नों
फैयोबा
बायखेब
गोर्बों
आबुं
जागोन
मोजोमसे
गोर्बोंआ
गुरुबादि,
गोसोआबो
थेर
बेथेर
जागोन
गाब
गैयै
जागोन
सिमां
बादि।

हेमन्त स्वर्गीयारी
गोदान दिल्ली

मेग’नाव मोदै जानांबाय

दानलाय-सुलाय
दासिमबो
जोबनो
गैयै
बर’नि
सुथुर,
जोबनानै
थाडखै।
बबे
जुगाव
जोबनानै
थांगोन
बेनिबो
ओंथि
गैया।
मोनथिस’हाया
आरो
बबे
जुगाव
सुख
सान्थिआ
माब्लादि
फैगोन
बेखौबो
नायहरब्लाबो
नुहुरस’नो
मोना
सिमाङवना
मोकथाङव।
नाथाय
दासिमबो
बर’
माहारिआ
राइजो
मोनदोंब्लाबो
सुख
सानथिआव
फैयाखै
दानलाय-सुलायआवनो
बर’
माहारिआ
थैना
थांनोसै
बर’
माहारिआ
दिनैसिमबो
खौसेयै
गैयाब्ला,
बर’
बिमानि
मोदैआ
हाजोनि
दै
गबोनाय
बायदि
मेगननि
मोदैआबो
र’
र’
.....
बोहैबोबाय
थागोन।
बुजिनानै
ला
बर’
फिसाफोर-
मा
जालांनो
हमदों
ईसोरासो
मोनथिगौ।
नाथाय
जोंनि
जाथायखौ
जों
मोनथिनो
मोना
मा
जालांगोन
बबेआव
हाय,
फै
बयबो
खौसेयै
जानानै
गुबुन
हारिखौ
बर’नि
आथि
सिङव
दोन्नो
सोर
बर’आ
बिर
जोहोलाव
उजिफैबावनो,
गुबुन
हारिखौ
फोजोबनोलाय।
बै
जुगनिफ्राय
खौसेयै
दंमोनब्ला
मेगनाव
मोदै
खुगायाव
खुदै
जानांनाय
नङमोन
हर’
माहारिआ।

मुश्री अनसुमै नार्जारी
हेल हाईस्कुल
गंगिया, कक्राझार।

(□ 1 बिलाइनिफ्राय)

भारतीय रौनिया बिफानआव आजिरा लाबोनाय दानसोरां गयारिखौ गाजा-गोमजायै बरायदों गामिनि राइजो-राजाफोरा

बाहागो
लादोंमोन।
बि्थाआ
19९९
माइथायनि
कारगिल
दावहानि
समाव
बाहागोदारि
महरै
जम्मु-काश्मीराव
दंमोन।
बेजों
लोगोसेनो
बाइजोयारि
हादत
साउथ
सुदानआव
भारत
हादतनि
पिस
किर्पि
मिशनआव
थांदोंमोन
दानसोरां
गयारिआ।
दानसोरां
गयारिआ
इन्डियान
आर्मिआव
२८
बोसोर
खामानि
मावनानै
आजिरा
लानानै
फैनायखौ
गोजोननायजों
रंजा-खुसियै
बि्थानि
अनसुलि
बिसि
निजोम
गयारि,
गामिनि
राइजो-राजाफोरजों
लोगोसेनो
बे
ओन्सोलनि
राइजो-राजाफोरा
बेम
पार्थिं
लानानै
दोलै-नोगोरे
बरायदों
आरो
मान
बावदों।
गावनि
अनसुलि
बिसि
निजोम
गयारिआ
आथिं
सुनानै
होदों,
आफा
बोराइ
बाथौनि
सेराव
आर
'ज
गाबदों,
नख
'रआव
केक
हानानै
रंजादों
आरो
जै
इन्डियान
आर्मिनि
स्ल'गानजों
लामा-लामा
गोमसारहोदों।□

सुंद' सल'
ऋजु कुमार
ह हम

पौष दाननि थोर-थोर

गोजां बोथोर। बे समाव बयबो गोजां बोथोरनि नुयै दावहा नांनायाव गब'जेबो। दुलाराय सा दुलुतखावनि कर्कट हांखोनि साहा गोजानायनि मन'प्लाबनायाव थोर थोर मावयो। बिदिन्थानि साव गोनां–गैयैखौ बुफु सार नानै खिन्थायो। बे समाव मानसिफ्रा बुडे– ‘भात आछे कापेर नाइ’। बर'निब्ला– ‘सैमा लान्जायमानि ओंखाम, नाथाय जि–जोमसो गैया’। गैजारोडै नेहाथ गोरिबफ्रा गावनि खापालनि बाथ्राखौ बुडे– ‘जायहा जि जोम गैया बिहा गोजाडा’। बाथ्राखौ इसे सानब्रे लांब्ला नंगौबो नामा सानफ्रांलायलाडे। मानोना हने माहाजोननि दाहोना देवबार, हबगा, रुवाथी हामफे आरो लाउखार सम मोनहा माथो बारा

गोजाड। ना बिसोरना बिगुरा रोजा ? ब्रै बोसोर जिबा सिगां सोर्गोआव (?) थानाय आबौ बुद्रांखौ आं नुयोमोन–गोजां बोथोर। बिखौ–जेबो खालामनो हाया। फुऌव सान ओंखारनायनि सिगां जि जोमा, ग'स्लागाना बियो बिगुर गोजा साहेबफोरनि रावजों ब्लेत, ब्लेत अयसियें, लेम–लेम बाइदिसिना रावजों रायनानै गोजानायखौ रायहरोमोन।

उन्दै समाव आं जेब्ला ड' एबा स्नि बोसोर बैसोआवमोन अब्ला बनि साहेबफोर रायग्रा रावखौ थार एबा नंगौ सानोमोन आरो गोसो होनानै सोलोडोमोन। एखनब्ला बनि उन–उन आंनि लोगोफोरजों बाज्ल'–बाज्ल' गामि गिदिंग्रामोन जों। बिजों गथफ्रा जोबोत आब्रामोन।

राइजोमुतीनि आद्रा थालांनाय हांमा

(□ 2 बिलाइनिफ्राय) अराय थाबाय थागोन, बेजों लोगोसे आं थैस' थांस' थाबाय थागोन, आं सानदों।

राइजोमुतीजों आं मन्दिर सिंआव हाबहैब्ला मन्दिरआव रावबो गैलिआ। मन्दिर नायनो फैनाय फोरा थांफिनजोबबाय। मन्दिर सिंआव आलारि बाथिआ खोमसिखौ होखारनो हाया हाया जुजिदों। आलारी बाथिनि जोंथि पहरआव नुहां नुआहां जानानै थानाय पशुपतिखौ राइजोमुतीआ खर' गंग्लायनानै खुलुमदों। बियो आंखौबो खुलुमनो थिननायाव खर' गंग्लायनानै आंबो खुलुमदों। जों सानैबो पशुपतिखौ खुलुम खांनायाव राइजोमुतीआ गावनि दौबायाव लानाय दानै बिबारनि मालाखौ दिहुन्दों।

बेखौनो नुनानै आं सोंदों;

:मा बियो राजखुंघि ? मा दिहुन्दों नों?

दांसे मालाखौ आंनि आखायाव होनानै राइजोमुतीआ फिन होदों; : बिबारनि माला आदा सोमखोर, आं दानै बिबारनि माला लानानै फैदों। जों सानैनि मोजां मोनलायनाय आरो अनलायनाया आस 'खान्दा जानानै थालांदों। जुगनि उनाव जुग नेनानै दिनै आद्रा थालांनाय हांमाखौ सुफुंनो सम मोनदों। बे माला दानैजों दिनै जों सानैनि जुलि लानाय हाबाखौ मावफुंदिनि। पशुपति मोदाया बेनि साक्षी जानानै थाथोंसै।

बुंखानानै राइजोमुतीआ बिबारनि माला दांसेखौ आंनो गानहोदों। राइजोमुतीआ गानहोनाय बादि गुबुन माला दांसेखौ आं राइजोमुतीनि गोद्बायाव सोनानै होदों। राइजोमुती आरो आंनि हाबाया पशुपति मन्दिरआ बे बादिनो जानानै थांदों।

राइजोमुतीजों जुलि लाफुनायाव आं गासिबो बावजोबनानै थांदों। मन्दिरखौ माब्लाबायनो बन्द खालामनानै दोनलांबाय। मन्दिरखौ बन्द

खालायनायाव राइजोमुती आरो आंजों सानैबो मन्दिर सिंआवनो थालांदों। मन्दिरनि दरजा बन्द जानायखौ उनाव मोन्थिनो मोननानै आं बुंदों;

: मन्दिरखौ बन्द खालायनानै थांबाय राजखुंघि। दिनै हरसे जों मन्दिर सिंआव थांनांसिगोन.

: पशुपति आनान ग'साइआ, बेखौनो लुबैदों जानांगौ सोमखोर। जोंनि जुलिआ जोंनि जुलिआ बेनि अननायावबो जाफुंदों।

राइजोमुतीआ फिन होनानै बुंदों। बेनिफ्राय मन्दिर सिंनि मोनसे जायगायाव जिरायनानै बियो आंखौबो गावनि साखाथियाव जिरायनो थिन्दों। राइजोमुती थिननाय लेखा आंबो बेनि साखाथियाव जिरायदों।

राइजोमुतीनि साखाथियाव जिरायनायाव राइजोमुतीनि खानाइ आरो मोदोमनि थासआ आंनि गन्थंआव हाबफैदों। रोजासे खावसे बोसोरनि गिबिआव राइजोमुतीनि बे भासआव आंखौ बोदोर बाउलि खालायदोंमोन। दिनै बे भासखौ मोनफिननानै आं मोथो मोथो जादों। पशुपति मन्दिरनि धुपखाथि आरो घी सावनायनि भासनिखुइ राइजोमुतीनि मोदोमनि मोदोमफ्रुनाया रोजा रोजा गुन मिलौसिननाय, आं सान्दों। राइजोमुतीनि मोदोमजों मोदोम फोनांनानै जिरायनायाव आं रोजासे बटलनि जौबिदै लोंनाय बादि मोथो मोथो फेनाय मोनदों। बेखौनो आं जुगनि उनाव जुग नागिरबाय थाबोदों। बेनि थाखायनो आं उजिगाफ्रामबो उसाव बादाव जाबोदों। राइजोमुतीनि हामा हांसाया आंखौ अरायबो हांफ्ला थेंफ्ला खालायनानै फैदों।

: राइजोमुती, नोंनि हांमा हांसाखौ गोसोआव लानानै आं बोसोरनि उनाव बोसोर नोंखौनो नागिरबाय थाबोदों। नोंखौ खेबसेनि थाखाय नायस्रानो आं उजिगाफ्रामबो उसाव बादाव जानानै फैदों।

राइजोमुतीनि मेगनआव मेगन दोननानै आं बुंदों। मोन्थिस्लाबनायनि गिबि माब्लाबायनो राजखुंघि राइजोमुतीआ आंनि बिखायाव एरसोफैदों। राइजोमुतीखौ आखाय फारनैजों आं गोबानानै लादों। गोमजानो गिनायबादि राजखुंग्री राइजोखुंघिखौ आं थे आंनि बिखायाव बोजाबनानै लादों। आंनि गोबाख'बनायाव राइजोमुतीआ हां थोनो थोनो जालायदों। बेनि हांथोनो थोनो हां लानाया आंनि बिखा बिख्लोखौ दुंहाव दुंहाव खालायनानै होफैदों। : नोंखौ नागारबोनानानै आंबो गोजोन थाफैनो हायाखै आदा सोमखोर।

बियो गोदो सेंग्रा समाव साहेब बादि गुफु त गोजा आरो जालाडातमोननो। आरो साहे बफ्रा साहा बिफां गाइफैब्ला माखासे उरिया–मुन्डाखौ खुलि खामानियाव लाबोनानै आबौखौ बिसोरनि दाफादार फसंनानै गावसोरनि रावखौ फोरोडो, बिनिक्राय बियो रायज्लायनो गोरों जायो। साहेबफ्रा भारतखौ उदांश्री होनानानै थांब्ला आबौआ बे रावखौ रायज्लायनो लोगो गैयैलाय बेबायदिनो हार्सि हार्सि रायज्लायो। दा जोंहा आबौजों गुदिखिथा सोलोंनानै आबौखौ नुब्लानो ब्लेत, ब्लुत अयस्लिंयेत खामहे खामहे बिफोरखौ रायज्लायो।

आबौआ अजाबो रोंगौमोन। गोदो दानि बायदि हुंगिया बुंगिया चार्टिफिकेट

नोंनि हामा हांसाया आंनि गोसो सिंआव अर जोंनायबादि जोंबाय थाबोदों। अर जोंनायबादि गोजों हांमाखौ गोसोआव लानानै दिनैसिम आं नोंखौनो नेबाय थादों। नों माब्ला सौफैगोन बेनिनो लामा नायबाय थादों। आजों थे थे गोबा जानायाव हांस 'रथे सरथे जालायनानै राजखुंघिआ बुंदों। रोजा रोजा बोसोर सान्त्रहायै सान हरखौ उसाव बादाव बारहोबोनानै दिनै निजोम हरआव सानैजों लोगो मोनस'ननायाव जों सानैबो सोरगिदिंनि संसारखौ बावजोबनानै थांदों। संसारआव जेन'बा जों सानैल' सुबुं दं, रावबो गैलिआ बे बादिनो सानना लादों। राजखुंग्री राइजोमुतीनाव आं आंखौनो गोमा होनानै लादों। राजखुंग्रीआबो गावखौनो गाव आंनाव गोमाहोदों। रोजा रोजा बोसोरनि मोननै गोसोनि लुबैनाय, हास्थायनाय आरो हांखाय बोनाया दिनै हरसेनि गेजेरआव फुरा जाफुंजोबगोन। जों सानैनि गोलाव सिमां मोननैआ दिनै मोखथाडव जाफुंनानै फलिसिगोन। जुगनि उनाव जुग गांनानै थाबोनाय जिउ मोननैआ, दिनै गांगानानै सुलायसिगोन। जिसिनो हरआ थौलांदो, राजखुंघिखौ गोमाजानो गिनानै आं बेखौ थे थे गोबानानै लासिन्दों। बेनि गुदुं दुंबुथ हांमा बोनाया आंनि खोमा बिलायाव नांफैनायाव आं मोथो मोथो जादों। बेनि आखायाव गाननाय आसान डिंग्रीनि सम सम गाबनाय। आंनि खोमायाव बित्लिर लांदों। राइजोमुतीनि आसान डिंग्रीआ आंनि खोमायाव अराय गाबबाय थाथों, आं गोसोजों गोसो लुबैदों।

‘राजखुंघि आरो आंनि बे समआ अबंलाउरी जानानै थालांथो। राजखुंघि राइजोमुतीआ अरायबो आंनि जानानै थाथों। बेयो अरायनि थाखाय आंनि खाथियाव थाबाय थाथों।' आं सान्दों।

अखा नायसि–नायसि जों सानैबो उन्दुलांदों। अखानायै मन्दिरनि दरखौ खेवनाय समआव आंखो मन्दिर सिंआव थैहाबनानै थानाय हालोदआव मोन्दों। राइजोमुथीखौ मन्दिरआव मोननाय जायाखै। दंफांनि मन्दप सिंआवबो राइजोमुतीआ गैयामोन।

मन्दिरनिफ्राय आंखौ हस्पितालआव लांनाय जादों। हस्पिटालआव सानथाम दोननायनि उनाव आंखौ हगारहरदों। आं थैहाबनायनि जाहोन नागिरनायनि उनाव डाक्टरफोरा बुंदों, मन्दिर सिंआव मोजां बार मोनबाय थाया। मन्दिर सिंआव हरसे थानांनायखाय मोजां बार मोनैनि जाहोनाव आं थैहाबनानै थादों। मन्दिर सिंआव बारा गोबाव थाबावनाडो मोनब्ला आं थैनाै थांसिगौमोन।'

काठमान्डु नागारनायनि गिबि आं खेबसे पशुपति मन्दिरआव थांस्रा बावदों। गोसो मोनस्रा मोनस्रा राइजोमुतीखौ नागिरख्मा हैदों। जेरावबो राइजोमुतीखौ नुनो मोननाय जायखिसै। मन्दिरनि गाहाय सिबिआरिजों सावरायनायाव बियो बुंदों; : बे मन्दिरआव सोरनिबा हांमा गोनां जिउ (आत्मा) दं। सानफ्रामबो हर गेजेरआव बे मन्दिर सिंआव सोरनिबा दुखु गोनां गाबनाय खोनानो मोनबाय थायो।

: सोरनि, सोरनि गाबनाय खोनानो मोनो ? आं सोंदों। आंनि सोंनायाव सिबिआरिआ फिन होदों; :सोरनि गाबनाय, रावबो खोन्थारोंआ। नाथाय बे गाबनाया सोरबा हिन्जावनि। जानो हागौ, हांमा थालांनाय सोरनिबा जिउआ मन्दिरआव थालांदों।

सिबिआरिआ आंनि मोखांआव नायनानै बुंबावदों; : नाथाय गोमोथाव बाथ्राया बेनो दि, नों जे हरआव मन्दिर सिंआव बन्द जानानै थानांदों बे दिननिफ्राय हिन्जावनि गाबनायखौ रावबो खोनानो मोनाखिसै। जानो हागौ बे हिन्जावनि जिउआ नोंखौनो नेनानै दंमोन।

सिबिआरिनि खोथाखौ दानखेनो थाखाय आं नायखेनानै थादों आरो बेनिफ्राय बिदाय लानानै मन्दिरनिफ्राय ओंखारबोदों। मन्दिरनिफ्राय ओंखारबोनायाव आं आंनि गोसोखौ उदां उदां मोनदों। गोसोनि उसाव बादाव जानायफोरा स्रां जानानै थांदों। राजखुंघि राइजोमुथि आंखौनो नेबाय थादोंमोन जानांगौ। आद्रा थालांनाय बेनि हांमाया सुफुंनायाव बियो अरायनि थाखाय संसारखौ नागारलांबाय जानांगौ। साननानै आं गोसोखौ गिलिर मोनदों। आंनि खर'आव सुबाव जाखांदों।□

बाइदि बिद्याखौ गाहामैनो रोंगौमोन। बाराखौ बुंनो नाड, आबौ फैगौ होनब्ला सोरनिबा न'खराव लोमजानाया खावसे स्रा गायोमोन।

आबौनि बेफोर गुगनि थाखायनो बियो नाइनो मोजां सिख्लाखौ बोनाड जासे हाबा खालामनो मोन्दोंमोन। हाबा होनब्ला दानि बायदि नडा, हाथासुनाइसो। गोदो हिन्जावनि अन्जिमाया खम एबा नाइनो मोजां।हिन्जावखौ गोहो गोराफ्रा मेगन खेबोब्ला गोसो गैयामोनब्लाबो जर–जुलुम खालामनानै बोग्रामोन। आबौखौ जों नुवाखै, मानोना बियो रुंसारी जालांबायमोन। नाथाय आबौनिफ्राइ आबैनि बाथ्राखौ आरो गामिनि बुरै बुरै आबौमोनिनफ्राइ आबैनि बाथ्राखौ आरो गामिनि बुरै–बुरै आबैमोनिनफ्राइ मिबथिनो मोनोमोन। आवैआ हासां गोरों मोननो। बे गामिआव हासां गोरों बर' हिन्जाव होनब्ला नाइल' जाल' बे आबैल'।बिनिखायनो बिहा हासां गामिनि गेजेरावबो थाबायनो हायो। अजानि बुरैलाय ‘अजाबुरि' होन्नानै बुंजायोमोन। निदानाव नांगौलाय आबैखौ हासां गामिफ्राव मानिबाफोर थांब्लाबो हासांफ्रा “मेस आहिसे, सुवा ल ा गि ब – प ा ल ा व – पालाव”'होनामोन। नाथाय गुबुनखौब्ला बर'नि साइखंखौनो गायामोन आरो न'फ्राव थांब्ला दैखौनो दैखर'निफ्राइ खावहोयामोन आरो थास' लाइजोंसो दै लोंनानै फैनांगौमोन। बेनोमोन आबै–आबौमोननि समाव। बयजोंबो नाखेबजानानै, मुगै जानानै बर'नि धोरोम, हारिमुनि म'हर मुस्रिआ ख'हा जाबोदों। नडब्ला दिनै मुलुगनि गेजेराव बर'आ गेजेन जानाय नडमोन।

आबैआ हासां गोरों'खाय बर' हिन्जावफ्रा सोरबाफोर हासांया माबाफोर बिनो फैब्ला आबैखौ गथ'फोरखौ लिंनो थिनहरग्रामोन। बिनिफ्राइ आबैआ हासांखौ गसंबाय थानाय नुब्ला थोंजों रायग्रामोन– “ग'लि आछे ग'लिते ज', खि बेरग'–ग' रे हासां हौवा?” (ग'लि दङ ग'लियाव जिराइ मा बेरग' ग' गसंनाय ?) आबैनि हासां राइनो रोंनायनि आरोबाव मोनसे दिन्थिखि होबावनोसै सानसे खालि बिजामादै फैदों। न'आव दाव गैया। दानि बायदि नांगौब्लानो हाथायाव अमाबेदत, बोर्मा बेदत, ना एबा खाजि संगानै पान्नाय, खाथि–खाला डिंग्री दुंग्राफ्राव समारस–अमृतफोर लोंनानै सान हाबदों ना ओंखारदों, ‘लेवयर अरदोंना बेदुलाव अरदों, हान्थु मुथुनानै मेगननि गोसोजों सारेन्डार खालामनायसै।

उन्दुनाय होनब्ला मा बुंनो। थैनायनि समान। बियो सारा मोनब्लाबो नाथाय जिउआ उन्दुआ। बियो अराय साग्रिद थायो। देहाया एमाव जिउआ बोजोंबा थाडो। हायना गोनां बे बुहुमनि बिखानिफ्राइ बबेबायाव साबसिन हामसिन थावनि दङ नामा बिखौ जिउआ नागिरो? नडब्ला जानो हागौ बे सुखु गैयै संसाराव सुखु मोनैलाय खुद्रि–खुद्रि गोजोननि हाबिलाखौ सुफुनो सिर्मानि गेजेरजों नाजायो? आरो बिनिखायनो जानो हागौ आनान, ग'साइआ सिमां सोजिंदों।

आबे खैखानाय उनाव आबौआ गावनो सडै खावयै जायोमोन जुनिाययै। गुबुन्नाव

माब्लाबाबो नुजाया। बेव जेसेखि ‘सप्ततत्व' बिजाबखौ लानानै एबा मानसिनि गोसोनि बिज्ञान लानानै आन्जात लानो बुफ्रुआ मानो बेनो बे। उपनिषदाव ईश्वोर आरो जिउजों मोनसेखौनो बुंदों।कौटि कौटि जिउआ बे मोनसेंनिफ्रायनो उजिदों आरो रूंगनानै बे मोनसेआवनो गोरोबहैफिन्दों। बिनिखायनो बे मुलुगखौ सोरबा फामु, सोरबाया भावथिनासालिजों रुजुदों। बिब्दिब्ला बे बुहुमा रावनिबो नडा। नंखायसो। बिनिखायनो उपनिषदआव बुंदों– “ब्रह्म सत्य जगत मिथ्या, जीव ब्रह्मैव नापर:।” गासिबो धोरोमनि गुदिआ सासेल'ब्ला जों सान्त्र' हायै ईश्वोरनि म'हर मुस्रिआव गबदों। बेनो माया। बे मायायाव गबनानैनो मुलुगखौ असे सानो। नडब्ला नंखायसो। जों सानसे बयबो थांफिनगोन, अब्ला जोंनि असेफ्रा बेवनो जोबगोन। बिनिखायो गीतायाव बुंदों– “स्वर्ब्ब धर्म्मनि परित्यज्य मामेकं चबनं ब्रज” (गासिबो नागारनानै आंनि खाथिआव फै अब्ला जेनिबो आंखाला जोबगोन)।आंबो आंनि गासिबो एमआव गथायनानै उन्दुनायनि गुवार बिखायाव संसारनि सातजाल्लाखौ बावनायसै। दान्दिसे उनाव समायना रमायना जि–जोमजों स्राय देलायनाय बालें लें जारौ सिख्ला आंनिथिं लाथिख'याव हाइला–हुइला गोजाव बोनाय नुहरनायसै। आंनि खाथिथाव मोनफैब्ला बियो लाजिहां–लुगैहां, सासु–मासु, मिनिहां मिनिआहां मिनिस्लुयै गेस्रेम रावजों बुंनायसै– “आंखौ सिनायाखिसै जानो हागौ?”

आं फिन्नायसै– “बबेनि जाखो नोंबा? सिनायनो हायाखिसै आं।”

गोसोआव गिलु–बालु। खेबसे जिबो अरजब्ला दिरंखौबो मोबायजों नुब्ला बाग्दावखाडो।लरग' बिमाया बे सिख्लाजों रायज्लायनाय नुब्लाबा मा सानो? खायसे हिन्जाव फोरनाव मोनसे हुदा दं, दि–गावनिखुइ नाइनो मोजांसिन सिख्ला एबा हिन्जावजों गावनि मानसिखौ खेबथामसो रायज्लायनाय नुब्ला न'आ जेरा होगोनखि होगोन सम नायनानै आंबो बिखायनो बि सिख्लाया अ'ख्रा मस्रा आब्रा सिथा फैनायाव गिलु गिलु जादों। बिनिखायनो बुंबावबाय अं– “मा बुंनांगौ माबार बुं, दानो सोरबा नुब्ला माबासो जागोन। औरेंनो दिनै उन्दुनो हायाखै, आं, गोजानानै।” बियो :- “नोंनि दुखु–दाहाखौ नुनानैनोथ' फैदों आं–नोंखौ लांनो।

आं :- बाप! बाप!! बाप!!! आंखौ लांनोबावसो? मा बबेवहाय? बियो :- आं राजखुंग्री सिमां, जिउखौ गोजोन होग्रा। सोर्गो राइजोआव लांनो आं, जेराव दुखु दाहा गैया। आं :-नोंजों थांब्ला बेव आंनि बिसि–फिसाखौ सोरनायनो? हाबा हुखा जाखानाय मानसिआ सिख्लानि उन उन थाबायब्ला मा मान–सन्मान थानो? बियो :- नों गोरोन्थि सानबाय। आंनि बिखाया अरायबो गोथार। उन्दै–गिदित, हौवा हिन्जाव, बोराय–गथ' आंनि खाथिआव गासिबो समानजोब। बुंनो थांब्लानो जायखो असे सानदों बियो नोंनि सानब्रेनायसो। मुलुगाव रावबो गुबुन नडा–असेबो नड।

आं :-मानो ? बिसि–फिसा, बिमा–बिफा, बाय बाहागीफोर

दडना। आंखौ दाबुरखाय, आं जाहा–ताहा जामब्रहोजाया, नांगीथाय बे सुखु गैयै संसारानो मोजां–।

बियो :-सोर्गोआव दान्दिसे थांब्लानो नों मिथिगोन, सोर्गो राइजोआ बेसे मोजां। अब्लासो गावखौ मिथिगोन नों।

आं :- नों ब्रा ब्रा बुंबाय जेब्ला थु आं नाइनानै फैग्रोनि बिनिफ्राइ न'खर'यैनो लांफैनांगोन।

बियो:- दे! गोबाव दाखालाम। फै।

बियो गावनि जोमग्राखौ फुवारनानै आंखौ खोब्बाय। आंबो दावसाया बिमानि गांखडव उरसोनायबादि उरसोमनानै थाबाय। लोगो लोगो बिरदावनायसै। मा एसे गोखै बिनि बिरनाया। दासिमबो बिज्ञाननि राहाजों बानायनाय ग्रहसा आर्यभट्ट, र'हिनी, एपल', इनचाट बाइदिफ्रा बिनि गोखैथिजों हानाय नड होन्नानै आं सानो। दसेनो भुमनि बारमन्डल टू'फ'स्पीयार' स्ट्रट'स्पीयार, आयनस्पीयार आरो एकम'स्पीयार गासिबो थाखोनि बारमण्डलखौ बारनानै सोर्गो राइजोथिं बिरलांनो हमासै। आं दिग हमनो हाया जाबाय। जोमैफ्रा दलत। बारबो गैया। भुमखौबो नुहरलिया। दुरबीन दङजानायबा नुहरगौमोन जानो हागौ।नाथाय जायहा जि गुदुडनो गैजाया बियो दुरबीनखौ बबेयाव मोन्नो। राजखुंग्री सिमांखौ साबायखर'दि दिनै आं बिनि अन्नायाव सोर्गोखौ नुनोसै।

हरखाब सिनायहां सासे बोराय सोर्गोनि लामायाव नुनानै दान्दिसे थाथ्नो थिनबाय। आं बे बोरायखौ सिगाडव नुनाइ बाइदि मोनबाय। दा इसे बोरायसिनबाय। बिनिखायनो बोरायखौ एसे रायदावनो सानबाय आं।

“यै आबौ, नोंखौ सिनायहां मोनबायलै आं, नों सोरमोनलायब्रा?”

बोराय :-मा नोंलाय सोर ? आं :-आंलै आबौ, भुटान सेरनि गाहरा बान्दा (घ'रा बान्दा) दै सेरनि गामिनि आमोखानि फिसाज्ला फोर्ला। बोराय :- हे इत साल्ला, सिनायनो हाथाराखैलै आं। आं बुद्रां बोरायलै, अयस्लिंयेत। आं :-ए नोंसो? लेम–लेम लै आबौ। है ब्लेत–ब्लुत। आबौ :- ह'ेवा इउ ?(ड) खामहे खामहे।

आं :-अयस्लिंयेत। इंसिसखौ आं बारा हायालै आबौ। दाबो हाथारैनि असमीयाखौसो एम.ए. होदोंमोन, बिखौबो खुनले–खुनले फेल जायो। बर'निनो रायज्लायदोब्रा। नोंसिन सोर्गो राइजोखौ आंनोबो इसे नाइगिदिहोदो।

बोराय :- उचथि। लेम–लेम। फा नोंसोरलाय दा माबोंरै इंसिस रोंबावनोब्रा गोदो आं बिगुर गोजाजोंसो बेफोरखौ रायज्लायोमोन।दे फिसौ, नोंखौ गोबावजों लोगो मोन्नानै जोबोत खुसि मोनबाय आं। न' गय जानोब्ला।

आबोआ गयखौ जान्जिआव थेबनानै लाग्रामोन, दाबो बिनो। नाथाय जलंगाया इसे सोलायबाय। सिगांनि बाबुरा ख्जालायनाय सोमखे–खे आ गैलिया।बिनि सोलायै दानि बाबुफोर लाग्रा बायदि इन्सिरेस्स, पियारलेच नडब्ला फेभ' राइट क'म्पानीनि एजेन्टफोर लाग्रा बायदि लादों।गोदोब्ला खर'आव सोमखे–खे मार्किन गामसा गांसे मेरायनानै लाग्रामोन।□

माहाम देहानि राहा

खेजुरखौ जायोब्ला सुगारनि लेभेलखौ बाडाइ खालामनो हानायजौ लोगोसे माखासे मुलाम्फाफोरखौबो मोन्नो हायो

खेजुरखौ मेथाइ एबा गोदै जाग्रा आदार बानायनायनि सायाव बाहायजानायनि अनगायै बेखौ डाइटआवबो लाफादेरनाय जायो। मानोना बेजौ माखासे देहानि मुलाम्फाफोरखौ मोन्नो हायो। थाइसे खेजुरआव (8 ग्राम) 23 केल'रि, 0.2 ग्राम प्रटिन, 6 ग्राम कार्बहाइड्रेट आरो 0 ग्राम फेट थायो। खेजुरआ पटैसियाम, मेगनेसियाम आरो आइरननि मोजां गुण। थाइसे खेजुरआव 6 ग्राम कार्बहाइड्रेटआ थायो, जेराव गोदैआबो गोबां बिबांनि थाखाय बेनि अनगायै खेजुरआ गोबां गोदै जानायजौ लोगोसेनो बेवहाय फ्रुक्टसनि बिबांआबो गोबां थायो, जाय ग्लुकसनिक्राय 2 गुण गोदै थायो। खेजुरआ जेसेबां मोनब्रेलाडो एसेबांनो बेनि गोदै जानायनि बिबांआ बांलाडो आरो फाइबारआ बाडाइ जालाडो। खेजुरनि ग्लाइसेनिक इन्डेक्सआ 34-55 नि गेजेराव जायो। 1. खेजुरआव एन्टि अक्सिडेन आरो इमफ्लेमेटरि गुणआ थायो, जाय के न्सारनि जे'नाखौबो होबथानो हायो। बे जाहोननि थाखायनो नोंथाडा जाग्रा आदार जानायनि उनाव गोदैमुखा बेसादखौ जायोब्ला आइसक्रिम एबा गुबुन मुवाफेरखौ जानायनि अनगायै थाइसे खेजुरखौ जानो हागोन।



2. खेजुरआ पटैसियामनि थाखायबो मोजां गुण जाय बिखाखौ मोजाडै लाखिनो थाखाय मोनसे गोनांथार इलेक्ट्रलाइट। हाइ ब्लाइ प्रेसारखौ बाडाइ खालामनायाव पटैसियामनि गोबां गोनांथार जायो। खेजुरआव सडियामआबो गोबां बाडाइ जायो आरो माखासे फाइबरफोरखौ सोमजिहोयो। बिखानि बेरामफोरखौ जानगार खालामनो थाखायबो खेजुर जानाया गोनांथार। 3. खेजुरआव मेगनेसियाम थायो, जाय हाराफोरखौ गोखौ खालामनायागिव जर'खा हेफाजाब होयो। मेगनेसियामनि बाडाइ जानाया अस्टिय'परसिसनि थासारिजौ सोमोन्दो गोनां। बेनि अनगायै बेवहाय के र्लिसयाम आरो आइरननि माखासे गुणखौबो मोन्नो हायो।

4. खेजुरआव आइसप्लेभन्सनि बिबांआ बयनिखुइ बांसिन थायो। बेनि जाहोनआवनो मेन'पजनि लोक्षोनफोर जैरे उदै सानाय, आखाय-आइथिं बुखानायनिफ्राय खेजुरआ आबुडै रेहाय होयो। 5. जुदि नोंथाडा सुगारनि लेभेलखौ कन्ट्रल खालामनो थाखाय सिनि एबा गुबुन गोदै मुवा-बेसादखौ जानगार खालामनो हास्थायदोंब्ला गावनि डाइटआव खेजुरखौ लाफादेरनो हागोन। खेजुरआ मोनसे पर्टेबल स्नेकबो, जायजौ गुबुन गोदै मुवा-बेसादखौ जानायनि अनगायै खेजुरखौ जानो हागोन। नाथाय डायबेटिस गोनां बेरामिफोरा खेजुरखौ 2-3 निफ्राय बांसिन जानाया मोजां नडा। (नट: बेखौ बाहायनायनि सिगां डक्टरनियाव सुबुरन लानाया मोजां)□

दिलजीत दसान्झनि 'सरदारजी 3' आव पाकिस्ताननि फावखुंग्रि हानिया आमिरखौ नुनो मोन्दों

दिलजीत दसान्झनि पान्जाबी सावथुन 'सरदारजी 3' नि ट्रेलारआ जेब्ला फोसावजादोंमोन, अब्ला बेवहाय पाकिस्तानी फावखुंग्रि हानिया आमिरखौ नुनानै भारतायारि अन्साइगिरिफोरा गात्रि यै सोंखारिदोंमोन। पान्जाबी सावथुनाव पाकिस्ताननि फावखुंग्रि फाव खालामनायनि जाहोनाव बेखौ खालि भारतआवल' बन्द' खालामनाय जायाखैमोन, दिलजीत दसान्झखौबो बर्डर-2 निफ्राय बोखारनायखौ लानानै एफडाब्लिउआइसिडिआ भुषण कु मारनो गांसे लाइजाम लिस्टोंमोन। जायनि उनाव बे खौराडा सोराडाव फैदोंदि, दिलजीत दसान्झखौ बर्डर-2



निफ्राय रिप्लेस खालामनानै सावथुनाव बिनि जायगायाव बानायगिरिफोरा एमी विर्कखौ लादों। अदेबानि बेफोर गासैबो बांसावनाया पान्जाबी फावखुंग्रि आरो रोजाबगिरिया ब्रेक लादोंमोन आरो सानी देअलनि

सावथुननि सेटनिफ्राय बिटिएस भिडिअखौ शेरार खालामनाय जादों। हादत अनफावरि सावथुनाव दिलजीत दसान्झआ बर्डर-2 निफ्राय बे भिडिअखौ शेरार खालामनानै बिथानो फिन्नाय होदों, जाय बिथाडा

सरदार जी-3 आव हानिया आमिरनि कार्स्टिनि थाखाय बिसोरखौ टूल खालामगासिनो दंमोन। पान्जाबी रोजाबगिरिया जाय भिडिअखौ गावनि मावख'यारि इन्सटाग्राम

एकाउन्टआव शेरार खालामनाय जादों, बेवहायनो बेकग्राउन्डआव सिगांनि बर्डरनि 'संदेशे आते है' मेथाइखौ दामदों। भिडिअनि जागायजेन्नायाव दिलजीत दसान्झआ कट आरो पेन्ट गान्दों आरो बेवहायनो बिसोरो गावसोरनि भेनिटि भेननिफ्राय आबुं स्वैग लाना ऑंखारबोयो। बिसोरनि कटआव आखुनि मुं दं, जायखौ बिथाडा साफा खालामो आरो मिनिनानै सेटआव थाडो। बैयाव बियो सासेनि उनाव सासे बयखौबो लोगो हमो। गावनि स्क्रिप्टखौ फरायखानायनि उनाव बिथाडा गावनि मोखांखौ फिदिनानै गासै हान्जाजों गोसो गुदुडै मोसायो।□

बिशाल भारद्वाजनि फैनो गोनां सावथुनाव शाहिद कापुरजौ लोगोसे दिशाखौ नुनो मोन्नाय जागोन



दिथागिरि बिशाल भारद्वाजजौ लोगोसे शाहिद कापुरनि फैनो गोनां सावथुननि सावरायनाया गोबाव समनिफ्रायनो सोलिगासिनो दं। बिशालआ बे सावथुनखौ लानानै गोबाव समनिफ्रायनो खामानि मावगासिनो दं। आथिखालाव दिथागिरिया बेनि फावगिरिफोरनि सायाव गोथौयै नायबिजिनो जागायबाय। खौराडाव शाहिद कापुरआ फोरमायदोंदि, बे सावथुनाव बि-टाउननि सासे फावखुंग्रिया फाव खालामगोनखौ रोखा खालामनाय जादों। जायनि मावख'आरि फोसावनायखौ बिशाल भारद्वाजआ गावनो खालामदोंमोन। बिथाडा फावखुंग्रिनि फाव खालामनायखौ लानानै गुमुरखौबो बेखेवबाय। बे सावथुननि थियारिफोरा सिगांनिफ्रायनो गोखौडै सोलिगासिनो दं। आथिखालाव सावथुननि दिथागिरि बिशाल भारद्वासआ गावनि मावख'यारि इनस्टाग्रामआव मोनसे गोदान पस्ट शेरार खालामदों, जेराव फावखुंग्रिया दिशा पाटनीखौ बिथानों लोगोसे नुनो मोन्नाय जादों। बेखौ रोखा खालामनाय जादोंदि, बे सावथुनाव शाहिद कापुरजौ लोगोसे दिशाखौ नुनो मोन्नाय जागोन।□

आमिर खाननि सावथुन सितारे जमीन पर आ गुबुन हादतफोरावबो मोजां रां आरजिदों

आमिर खाननि सावथुन सितारे जमीन पर खौ 21 जुनआव सिनेमा हलफोराव रिलिज खालामनाय जादोंमोन। सावथुनखौ मोनसे जुनिया हान्जाजौ बानायनाय जादों आरो बक्स अफिसआव फैनाय लोगो लोगो बेयो मोजां इसारा होनो जागायजेनो। बे स्पर्टस कमेडि-ड्रामा 12 थि सानाव बुथुमनायनि बिथिडाव बलिउडनि मोन्थाम गिदिर सावथुनखौ उनाव गालांदों। बे स्पर्टस कमेडि ड्रामाया नायगिरिफोरखौ मोनसे गोसोयारि सोमोन्दो मोन्दांदोंमोन, जायनि थाखाय बेखौ जोबोद मोजां मोन्नाय जादों। सावथुनाव सा 10 गोखौ फावगिरिफोर दं, जायखौ बेखौ सावथुनफोरनिफ्राय आलादा



खालामो। आमिर खाननि सावथुननि जुथिया बेनोदि, बिथानि सावथुनफोराव बे गोथारनि एबा मोगथाडाव लाबोनो थाखाय आनजाद नायनायनिफ्राय उनफिन्ना थाया। सावथुननि बुथुमनायनि बाश्रा सावरायोब्ला गिबि सानाव बेयो

बक्स अफिसआव 10.7 कौटि बेखेवदोंमोन। बे समावनो आमिर खाननि सावथुननि थाखाय बे अनजिमाया जोबोद बाडाइमोन। नाथाय उननि सानफोराव सावथुना मोनसे गोखौ हमथानो हादोंमोन आरो बे बायदिनो गिबि सप्ताहआव

सावथुननि गासै बुथुमनाया 88.9 कौटि रांमोन। सावथुना बक्स अफिसआव नैथि सप्ताह आबुं जानो थांगासिनो दं। आथिखालाव सावथुननि गासै आरजिनो हानाय रांआ 131.44 कौटिसिम सौहैबाय।□

भारतआ पाकिस्ताननि फावगिरिफोरखौ आरोबाव मोनसे गिदिर ख'हा खालामदों



पेहेलगामाव उदखारि गाग्लोबनायनि उरनिफ्रायनो भारत आरो पाकिस्ताननि गेजेराव गोबां दाडाबाजि जागासिनो दं। 7 मेआव

पाकिस्ताननि बेरेखायै अपारेशन सिन्दुर मिशननि समाव भारतआ गोबां गोनां थिरांथाफोर लादोंमोन। पाकिस्ताननि रोजाबगिरिफोर खौ सिगांनिफ्रायनो भारतआव खामानि मावनायनिफ्राय होबथानाय जादोंमोन, नाथाय भारत आरो पाकिस्ताननि गेजेराव सोमजिनाय दुंहाव थासारिनि जाहोनाव, बैयाव थानाय रोजाबगिरिफोरनि एकाउन्टफोरखौ भारतआव होबथानाय जादोंमोन। बेबेखानि, सानसेखालि जेब्ला 'सनम तेरी कसम' सावथुननि फावखुंग्रि मावरा हकेनजों लोगोसे गोबां पाकिस्ताननि फावगिरिफोरनि एकाउन्टफोरखौ

सोंखारिजादोंमोन। बिथाडा बुंदोंमोन दि, 'नोंथानि राव (कन्नड) आ तामिलनिफ्राय फैनाय।' सोंखारिजासेआवबो कमल हासन, जाय सासे दिहुनगिरि महरै सावथुनजों लोब्बा दंमोन, बिथाडा गावनि बिबुंथिनि थाखाय निमाहा बिनो राजि जायाखैमोन। खौरां मोन्नाय बायदिब्ला, बिथाडा कर्नाटकआव 200-300 कौटि रांनि बाजेट थानाय सावथुनखौ रिलीज खालामैनि थिरांथा लादोंमोन, जाय ठग लाइफनि गात्रि बक्स अफिस बुथुमनायाव गोहोम खोख्लैदोंमोन। सावथुनआ आथिखालाव अ.टि.टि.आव सौफैबाय। ठग लाइफआव सिलामब्रासन टीआरबो दं। सावथुनआ नेटफिलक्सआव स्टूडिंमिं जागासिनो। बेनि अ.टि.टि. प्रीमियरआ थियेटरफोराव से दान आबुं जानायनि साननै सिगां जादोंमोन। नेटफिलक्सआ मोनसे इनस्टाग्राम पस्टआव बुंदोंमोन, 'बेयो थैनाय आरो गोहोगोरा रंगरायनि गेजेराव मोनसे दावहा। नायनो लुबैदोंदि सोर देरहायो? दा नेटफिलक्सआव तामिल, हिन्दी, तेलुगु, कन्नड आरो मालायालमआव ठग लाइफखौ नायनो हागोन।□



नेटफिलक्सआव सिरि-सिरि सौफैबाय। बेखौ मोनबा रावफोर - तामिल, हिन्दी, तेलुगु, कन्नड आरो मलयालमआव फोसावनाय जादों। तामिल गेंगस्टर एक्शन

ड्रामाआ दान्थे-बिदान्थेयाव गोग्लैदोंमोन, जेब्ला गाहाइ फावखुंग्रि कमल हासनआ मोनसे फोसावनाय हाबाफारिनि समाव मोनसे बिबुंथि होदोंमोन, जाय गोबां

कमल हासननि सावथुन 'ठग लाइफ'खौ अ.टि.टि. प्लेटफर्मआवबो नुनो मोनसिगोन

कमल हासननि फाव खालामनाय आरो मणिरत्नमजौ दिथाहोजानाय 'ठग लाइफ'आ रिलिजनि सिगांनो गोबां फोसावनाय सोमजिहोदों। बेखौ मिजिंथिनांगौमोन मानोना बेयाव देंखोगिरि ए.आर. रहमानजों लोगोसे गोबां आखा-फाखा महरगिरिफोर दंमोन। ठग लाइफखौ कर्नाटकखौ गारनानै 5 जुन, 2025 माइथाइयाव भारतआरि सिनेमाहलफोराव फोसावनाय जादों। सावथुनआ थियेटरफोराव रिलिज जानायनि दानसेनि बाडाइ समनि गेजेरावनो

हैदर सावथुननि सुटिनि समाव सासे हौवासाया इरफान खाननि गारिखौ अन्थाइजौ गाग्लोबदोंमोन



इरफान खाननि थैनाया 5 बोसोर बारलांबाय, नाथाय बिसोरनि दासिमबो इन्डस्ट्रिआव रिसारिथि दं। अंग्रेजि मिडियामनिफ्राय लानानै हैदर, मकबर, तलवार, पान सिंह तमार बायदि गोबां सावथुनफोराव बिथाडा गावनि फाव दिन्थिनायनि सायाव बेबायदि गोहोम खोख्लैदोंमोन, जाय फोजोबनो हाया। इरफान खानआ गावनि सावथुननि डायलगाफोरखौ जाय गोरलैयै होयोमोन, गुबुन आर्टिसआव बेबायदि बुंनो हायाबो जानो

हागौ। सावथुनाव इरफान खानआ औरैबायदि फाव खालामोदि, बिनि फावआ 2 घन्टा एबा 2 मिनट जायो। बेनिखायनो गाहाइ दैदेनगिरिफोरनिखुइ बांसिन

जागोन जेराव माधव मिश्रा (पंकज त्रिपाठी) बुथारग्राखौ नागिरना दिहुनगोन। बे समावनो, नायगिरिफोरा बेखौ सहायनो हानाय नडा। सिगांनि एपिसडआव, माधव मिश्राया फोरमान महरै मोनसे मुलनि बथल मोनो। बे सोमोनांथाव

क्रिमिनेल जास्टिस 4 जोबथा खोन्दोखौ 3 जुलाईआव दिन्थिफुंबाय

क्रिमिनेल जास्टिसआ आथिखालाव गावनि जोबथा एपिसडनि फारसे थांगासिनो दं। बे बृहस्पतिबारखालि फारिनि जोबथा एपिसडखौ फोसावनाय जागोन जेराव माधव मिश्रा

(पंकज त्रिपाठी) बुथारग्राखौ नागिरना दिहुनगोन। बे समावनो, नायगिरिफोरा बेखौ सहायनो हानाय नडा। सिगांनि एपिसडआव, माधव मिश्राया फोरमान महरै मोनसे मुलनि बथल मोनो। बे सोमोनांथाव



बथलखौ नायनानै, मिश्रा जीआ हमदांनो हायोदि बियो जोबनायाव बुथारग्रासिम सौहैनो हागौ मानोना बिथांहा बे केसजौ बयनिखुइबो गोखौंसिन सोमोन्दो दं। गोबां नायगिरिफोरा हमदांनो

हादोंमोनदि पंकज त्रिपाठीनि 'माधव मिश्रा' नि दिन्थिफुंनाया सल'नि थाखाय गोनांथारमोन, मानोना बेयो गोबां बाश्राफोरखौ नोजोराव लाखिदोंमोन। मख'जाथावदि जोबथा एपिसड, जाय बयनिखुइबो

सरासनस्त्रासिन नुनो मोन्दों। जोबथा एपिसडआ थारैनो गोसो बोनो हाथाव जानो थांगासिनो दं। क्रिमिनेल जास्टिस 4 जोबथा खोन्दोखौ 3 जुलाईआव दिन्थिनाय जायो।□

15 बोसोर सिंनि हिन्जावसाफोरनि बादायलायनायाव रडियाआ बिलासिपाराखौ 8 उइकेटजों फेजेन्दों

गुवाहाटी, 3 जुलाई: मंगलबार खालि जाज फील्डआव अखाजों गोहोम गोलेनाय 15 बोसोर सिंनि हिन्जावसाफोरनि गेजेराव जानाय क्कि के ट बादायलायनायाव रडियाआ बिलासिपारानि हेंथायै 8 उइकेटनि गोखों देरहानो हायो। गिबि बेटि खालामनो ओंखारनाय बिलासिपाराया थिखानाय 18 अभाआव 6 उइकेट खोमानानै 50 रान बानायदों। जयश्री सरमाहआ बलजों गोहोम गोनां दिन्थिफुं'दोंमोन, खालि 12 रानआव 3 उइकेट लादों। फिन्नायाव रडियाआ 8.2



अभाआव मोननै उइकेट खोमानानै एसेल' थांखिखौ जाफुंसारै सीहेनो हादोंमोन। कंकन बैश्यआ 29 राननि गोखों रानजों

होसोनायाव बयनिखुइ बांसिन रान बानायग्रामोन, जाय बिथानि हान्जाखौ गोरलैयै देरहानायाव मदद होदोंमोन।

वर्ल्ड बक्सिं काप-अस्ताना 2025 आव मिनाक्षी आरो पुजा रानीआ मेडेल देरहादों

अस्ताना, 3 जुलाई: भारतनि बक्सिं हान्जाया वर्ल्ड बक्सिं काप – अस्ताना 2025 आव गावनि गोखों दिन्थिफुं'नायखौ लाखिबाय थादों, जेराव मिनाक्षी (48 केजि) आरो पुजा रानी (80 केजि) आ बादायलायनायनि थामथि सानाव हादतनि थाखाय मोननै मेडेल देरहानो थाखाय फोथार्यथि गोनां दिन्थिफुं'नायखौ दिन्थिफुं'दों। क्वार्टर फाइनलआव चीना ताइपेनि गुओ यी-जुआननि हेंथायै मोनसे कमान्डि दिन्थिफुं'नानै मिनाक्षीआ बयनिखुइबो सिगांसिन गसंथानो हानाय सुबुंमोन। भारतआरि बक्सारआ मोनसे रोखा



5:0 बयनिबो गोरोबलायनाय थिरांथा देरहानायखौ रैखा खालामनो थाखाय रिंआव साबसिन फुटवार्क, गेबें सौनाय आरो साबसिन सांघांथि दिन्थिफुं'डे। मेचनि टेम्प'खौ सामलायनाय आरो गोजाननिफ्राय थार स्कर खालामनायाव बिथानि रोंग'थिया बिजिरगिरिफोरखौ

फोथार्यहोदोंमोन। मानोना बिथाड सेमिफाइनलआव गावनि जायगाखौ रैखा खालामदोंमोन आरो गावखौ बाइयसिनाव मोनसे ब्रन्जनि मेडेल बानस'दोंमोन। भारतनि बयनिखुइबो रोंग'थिगोनां बक्सारफोरनि गेजेराव सासे पुजा रानीआ 80 कि:ग्रा थाखोआव काजाकिस्ताननि जायगायारि मोजां

मोनजाग्रा गुलसाया येरझाननि हेंथायै मोनसे थिरांथा गोनां दिन्थिफुं'नायजों ट्रेन्डखौ लाखिबाय थादोंमोन। मोनसे जोबोद बादायलु क्वार्टर फाइनलआव पुजाआ गावनि बेरेखा हान्जाखौ 4:1 नि गावसानाय थिरांथाजों एसेआवनो फेजेनो थाखाय सामलायनायजों लोगोसे गाग्लोबनायखौ ज'

खालामदोंमोन। बादायलायनायाव पुजाआ बिजिरगिरिफोरखौ दाजाबारि महैर गोहोम खोख्लैनो थाखाय उननि बाहागोफोराव गोनांथार हिट खालामनायनि सिगां गिबि खोन्दोआव नारसिननायखौ सामलायदोंमोन। बे देरहानायजों बिथांजोआ मोनसे पडियाम थाथाइबो मोननो हादोंमोन आरो सेमिफाइनलआव दावगानायजों लोगोसे बेखौ सनानि मेडेलआव सोलायनो थांखि लादोंमोन। बनि सिगाडव अनामिका (51 के जि) आ क्वार्टर फाइनलआव सौहेनानै भारतनि मोजां खारथाइखौ लाखिबाय थादों। बिथांजोआ मोनसे सिरि आरो सोलोआरि दिन्थिफुं'नायजों तुर्कीनि आयसेन तास्किनखौ फेजेनदोंमोन, जाय गुबुन मोनसे लिरथाइ थाखोआव भारतनि मिजिफोरखौ लाखिदों।

अल इन्डिया फुटबल फेडरेशनआ मन'ल' मार्केजजों रादायखौ सिम्फायबाय



गोदान दिल्ली, 3 जुलाई: अल इन्डिया फुटबल फेडरेशनआ हायुआरि हान्जानि गाहाइ कच मन'ल' मार्केजजों रादाय सिम्फायनायनि थाखाय गावजों-गाव गनायथि जादों। मानोना बिथानि बिबान लानाय समाव भारतआ फिफा रेंकिंआव 127 थि थाखोआव दावख्लायदों। ए.आइ.एफ.एफ. नि मावफुं आफादआ बुधबारआव ज' जादों आरो रिपर्टफोरनि बायडिब्ला, थिरांथाखौ गनायथि होदोंमोन। एआइएफएफनि आफादगिरि कल्याण चौबेआ रोखा खालामनायनि उनाव बिथानि थांनाया फैयो दि, बै मेलनि समआव मार्केजनि थाथायखौ बिजिरनाय जागोन। फिथायफोरनि मोनसे गात्रि फारि थासेआवबो जोबनायाव एएफसि एशियान काप क्वालिफायरआव भारतनि गात्रियै जागायजेन्नायनि उनाव जिंगाया नुजादों, जेब्ला हान्जाया गावसोरनि गिबि मेचआव बांलादेशजों समान-समान जादों आरो दुखु मोन्नाय समनि जोबनायाव गलनि

जाहोनाव हंकनि हेंथायै 0-1 जों जेन्नादोंमोन, जाय बिथांमोननि जेनाखौ बांहोदों। 2024 माइथायाव आगुनि गाहाइ कच इगर स्टिमेकनि थुनफावथायारि महैर थांनायनि उनाव स्पेनियाडआ गाहाइ कच महैर बिबान लादोंमोन। बे समनिफ्रायनो बिथाड दाइन मेचफोराव निला जासिखौ दैदेनदोंमोन आरो मोनसेल' देरहानो हादोंमोन, जाय मोनसे लोगोआरि मेचआव मालद्विपनि बेरेखायै 3-0 जों देरहादोंमोन। जोबनायाव बिथाड 13 जौखोन्दोनि देरहानाय हारजों गावनि हाबा मावनाय समखौ फोजोबो। मार्केजआ गिबि खेब 2020-21 माइथायनि इन्डियन सुपार लीग सिजननि सिगां हाइद्राबाद एफसिखौ सामलायनो थाखाय भारतआव सौफैदोंमोन, जायजों बिथाड 2022 माइथायाव इन्डियन सुपार लीग बिमुंबो देरहादोंमोन। निजामफोरजों गावनि थाम बोसोरनि समाव मार्केजआ 74 मेचफोरनि गेजेराव 37 खेब देरहादोंमोन आरो 21 खेब डू' जादोंमोन। उनाव बिथाड एफसि गवाआव बिबान लादोंमोन आरो बिथांमोनखौ सुपर काप देरहानायाव लामा दिन्थिदोंमोन। गवानि गाहाइ कच महैर गावनि हाबा मावनाय समाव बिथाड सासे जावजा सामलायगिरि जादोंमोन, जाय हायुआरि हान्जा आरो आइएसएल हान्जा मोननैनिबो थाखाय गाहाइ कचनि मासियाव दंमोन। मार्केजनि दैदेननायाव एफ.सि. गवाआ 62 मेच गेलेदोंमोन, जेराव 38 खेब देरहादोंमोन, 12 खेब जेनदोंमोन आरो 12 खेब डू' जादोंमोन। बांलादेशनि बेरेखायै इनि उनाव मन'ल'आ गावनि रागा जौनायखौ फोरमायनानै बुंदोंमोन, 'जानो हागौ बेयो भारलआरि जोलुरनि नंगुबै बाश्ना आरो स्लिभार लाइनिंगआ बेनो दि, बिथांमोनहा सोरजिनाय खाबुफोरनि उनावबो जों मोनसेबो गलखौ गनायना लायाखैमोन'मार्केजआ मेचनि उनाव बुंदोंमोन।

शिखर धावनआ भारतीय हान्जाखौ नागारनायनि सायाव माखासे बाश्ना फोरमायदों

गोदान दिल्ली, 3 जुलाई: भारतआरि हान्जानि बारग' गिबि गेलेगिरि शिखर धावनआ जोबनायाव इन्टारनेसने हान्जानिफ्राय एंगारजानायनि सायाव बाश्ना फोरमायदों। धावनआ गावनि जोबथा गेजेर हायुआरि मेचखौ 2022 आव गेलेदोंमोन। मोनसे मोगा-मोगियाव शिखर धावनआ फोरमायदों दि, बिथाड भारतआरि हान्जानिफ्राय बायजोआव थानायनि बारगै माबायदि मोन्दादों। धावनआ मिजिं थिदोंदि, बिथांखौ 2021 टी-20 वर्ल्ड कापनि थाखाय सायख'नाय जागोन, नाथाय जेब्ला हान्जानि फारिलाइखौ फोसावनायनि उनावबो बिथानिसिम फन फैयैआव हमदांनो हादोंमोन दि, हान्जा एबा सायख' आफादनिफ्राय रावखौबो लिंहरनाया मोजां नड। बिथाड थारैनो दुखु मोन्दोंमोन। नाथाय बिथाड सिगांथि दावगालांनो थिरांथा लादोंमोन। शिखर धावनआ मोनसे मोगा-मोगि



सावरायलायनायाव बुंदोंमोन, 'आं मिथिगोंदि, आंनि मुड बैयाव थानाय नड। आं बेखौ हमदांनो हादोंमोन। बेबादि नड दि, गासैखौबो नोंथांनो थोंजोडै खोन्थानागौ। टी-20 वर्ल्ड काप हान्जाखौ फोसावनायनि उनाव आं माब्लाबाबो रावखौबो लिंहरनायनि बाश्ना सानाखैमोन। जुदि आं सोंगोन, अब्ला बिसोरो गावसोरनि नोजेरथिखौ फोरमायगोन आरो आं आंनि सल'खौ खिन्थागोन। बेयो जेबो फाराग लाबोनाय नड आरो जेबो सोलायनाय नड। शिखर धावनखौ नख'रनि हायाव 2023 मायथाइनि अडिआइ वर्ल्ड कापनि

थाखाय हान्जायाव सोफानाय जायाखैमोन। बिथानि हान्जानि लोगो भिराट कहलि आरो रहित शर्माआ बाहागो लादोंमोन। जेब्ला बेखौ सौनाय जादोंमोन दि, शिखर धावनखौ साबसिनै बोखारजानायनि मोन्थाय दं नामा, अब्ला 'गम्बर'आ फिननाय होदोंमोन दि, शुभमन गिलआ बै समाव मोजाडैनो दिन्थिगासिनो दंमोन आरो बिथाड सायख'गिरिफोरनि थाखाय जेना सोमजिहोदोंमोन। बेखौ नायनो थाखाय मोनसे नोजोर दं। गुबुन मोनसे एंगेलआ बेनो दि, शुभमन गिलआ टी-20 आरो टेस्टआव मोजाडै गेलेगासिनो

दंमोन। बै समाव आं बारा सावरायजायाखैमोन। आं अडिआइल' गेलेगासिनोमोन। नाथाय बिथाड जोबोद साबसिन खालामगासिनो दंमोन आरो कचनि सिगाडवमोन। बिथाड गावनि आबहावाखौ मोजाडैसोरजिगासिनो दंमोन। बेबादि नड दि, धावननि बेटनिफ्राय रान फैयाखैमोन। बिथाड 50 एबा 70 राननि इनिंस गेलेगासिनो दंमोन। नाथाय जौथायफोरनि फैनाया बन्द' जाबायमोन। जेब्ला आखि आखाइनि बेटसमेनआ नुदोंमोन दि, इशान किशनआ अडिआइआव खेबनै जौसे बानायदों, अब्ला बिथाड हमदांनो हादोंमोन दि, बिथानि केरियारआ जोबबाय। आं गोबां जौसेनि खावसे रान बानायदोंमोन, नाथाय माब्लाबाबो जौसे रान बानायनो हायाखैमोन। बबेखादि आं 70 एबा बेनि बांसिन


राननि गोबां इनिंस गेलेदोंमोन। जेब्ला इशान किशनआ खेबनै जौसे रान बानायदोंमोन, अब्ला आं आंनि सिडव मोनसे गारां खोनादोंमोन, 'ओके बय, बेयो नोंथांनि केरियारनि जोबनाय।' बै गारांआ आंनिसिम फैदोंमोन आरो थारैनो बेनो जादोंमोन। अब्ला आं गोसोखाडे आंनि लोगोफोरा फैदोंमोन आरो आंनो गोसोआरि मदद होदोंमोन। बिथांमोनहा सानदोंमोन दि, आं जोबोद दुखु मोन्दोंमोन, नाथाय आं मोजाडैनो दंमोन। आं आंनि समखौ रंजागासिनो दंमोन। जेब्ला बिथांखौ सौनाय जादोंमोन दि, हान्जानिफ्राय बोखारजानायनि उनाव बिथाड सोरबा टीमनि सोद्रोमाजों रायज्जलायदों नामा, बारग' बेटसमेनआ बुंदोंमोन दि बिथाड बै समनि गाहाइ कच राहुल द्रभिडजों रायज्जलायदोंमोन।

अलिभियर गिरडआ लिलीजों से बोसोरनि थाखाय रादायआव फैबाय



पेरिस, 3 जुलाई: अलिभियर गिरडआ मंगलबार खालि लिग 1 क्लाब लिलीजों बोसोरसैनि रादाय खानायनि उनाव 2012 माइथायनि उनाव गिबि खेबनि थाखाय फ्रेंस फुटबलआव फैफिनगासिनो। 38 बोसोर बैसोआ फ्रान्सनि अरायसम गाहाइ गल सोग्रा आरो थांनाय सप्ताहआव एम.एल.एस. हान्जा लस एन्जेलस एफ.सि.निफ्राय ओंखारलांदोंमोन। फ्रान्सनि गोजौ थाखोआव गिरडनि जोबथा नुजाथिनया मन्टपेलियरजों जादोंमोन, जेराव बिथाड आर्सेनेलआव थांनायनि सिगां 2011-12 लिग 1 चेम्पियनशिपखौ रैखा खालामदोंमोन। गिरडआ मोनसे बिबुंथियाव बुडे दि, आं फ्रान्सनि आंनि न'आव फैफिन्नो थाखाय जोबोद खुसि आरो गोसो गुदुं। गिरौडआ द' बोसोरसिम आर्सेनलनि थाखाय गेलेदोंमोन। चेल्सियाआव थांनायनि सिगां लन्डन टीमनि थाखाय 100 नि बांसिन गल सोदोंमोन, जेराव बिथाड 2021 आव चेम्पियन्स लीग बिमुं देरहादोंमोन।

बैभब शुर्याभन्शीआ भारतनि थाखाय 19 बोसोर सिंनि अडिआइआव नैथि बयनिखुइ गोख्रैसिन 50 रान बानायदों



लन्दन, 3 जुलाई: बैभब शुर्याभन्शीआ बुधबार खालि इलेन्डनि हेंथायै गावनि हान्जानि थामथि मेचनि समआव 19 बोसोर सिंनि सानसेयारि गेजेर हायुआरि गेलेनायाव बयनिखुइबो गोख्रैसिन 50 रान बानायनाय नैथि भारतनि गेलेगिरि जानो हादों। बैभबआ गावनि 20 थि बलआव

इलेन्डनि जेम्स मिन्ट'नि बेरेखायै मोनसे सिक्स बुनानै गावनि 50 रानखौ आबुं खालामदों। आखि आखाइनि बेटसमेनआ जोबनायाव मोनद'4 आरो मोनगु 6 बुनानै 86 रानआव आउट जायों। बिनि सिगां ऋषप पन्तआल' 19 बोसोर सिंनि क्रिकेटआव भारतनि थाखाय

गोख्रैसिन 50 रान बानायनो हादोंमोन। उइकेटकिपार बेटसमेन पन्तआ इ' 2016 माइथायाव नेपालनि बेरेखायै खालि 18 बलाव गावनि बाजिखौ आबुं खालामदोंमोन। बैभबनि गोहोम गोनां दिन्थिफुं'नाय नैथि इनिंसनि समाव जादोंमोन, मानोना भारतआ फारियाव सिगांलांनो थाखाय खालि 40 अभाआरि गेजेराव 269 राननि मोनसे जुजिनो गोनां थांखिखौ होसोनो गोनां जादोंमोन। 14 बोसोर बैसोनि गेलेगिरिया फारिखौ गोहोम गोनां महैर जागायदोंमोन, गिबि मेचआव 19 बलआव 48 रान बानायदोंमोन आरो उनाव नैथि मेचआव 34 बलआव 45 रान बानायदोंमोन।

SINCE 1982



DAS

JEWELLERS

1982 To 2025
43 Years
Anniversary

थांठि मोना-थांठि दाब

J.D. Road Kokrajhar

43 बोसोरआव आगान होबार कक्राझार सहरआव थानाय दास जुयेलासआ। बेनिखायनो बायगिरिफोरनो 43 जौखोन्दो वानायनायनि वेसेनखौ रेहाय होनाय जादों।
वे खाबुखौ 27 जुननिफ्राय 15 जुलाई, 2025 सिम होनाय जागोन। बे रेहायखौ कक्राझार स्व' ठमआवल' होनाय जागोन। गोसो गोनां सना बायगिरिफोर गाहायाव होनाय फन नम्वरआव जगाजग खालामनो हागोन।

For 43 years Anniversary of our Kokrajhar Showroom gets a Gold Makeover a discount 43% on making Charges,

Offer period 27th June to 15th July, 2025

Condition apply: This offer period is applicable only for the Kokrajhar Town Showroom

Ph: 03661-355618,
Cell No.: 8876631728